

## **Yuwarwar Yesu Kristu beɓeɓ mata banare niɓ Yon ikala iryiɓ**

<sup>1</sup> Be, asaɓ kaɓ hime gabe kame mata forok yenayiɓ goyen Yesu Kristu beɓeɓ nikala nirkeb gago kaɓ hime. Al Kuruɓ beɓeɓ mata heɓ ga moɓ forok yiniɓ tahaɓ goyen meteɓ marminiɓ yikala yiri yeɓ Yesu momoɓ iryiɓ. Irkeb Yesu Kristu beɓeɓ meteɓ marminiɓ kurab ne Yon gayen momoɓ irayiɓ yeɓ miyoɓminiɓ hulyaɓ irke waɓ momoɓ niryiɓ. <sup>2</sup> Nebe Al Kuruɓyen mereya Yesu Kristu beɓeɓ tagalde hinhin mereya kuruɓ goyen delner yeneɓ hinhem geb, goke al momoɓ yirde himyen.

<sup>3</sup> Niɓgeb al kura mata kame forok yetek goke yitiɓ gayen kapyaaɓ hinayiɓ mar gobe Al Kuruɓ beɓeɓ guram yirde tareɓ yiryenɓ. Irde mata kame forok yetek goke yitiɓ gayen kapyaaɓ heke nurde gama irde hinayiɓ marbe Al Kuruɓ beɓeɓ guram yirde saɓiɓ yiryenɓ. Gobe mata goke katiɓ gwahade po heɓ ga ma forok yiniɓ tahaɓ geb, gago diniɓ hime.

*Yon beɓeɓ taun 7 bana Yesuyen alya bereya haɓ goyen goke asaɓ kayyiɓ*

<sup>4</sup> Be, ne Yon beɓeɓ deɓ Yesuyen alya bereya Esia\* naɓa bana niɓ taun 7 bana haɓ mar goyen goke asaɓ gago kaɓ hime.

---

\* **1:4:** Esia naɓa gobe gayenter niɓ Esia naɓa kuruɓ goke ma yitiɓ. Gayenterbe Turki inenɓ hanyen.

Be, bikkenɗi hinhin, haŋka hi, irde kame wayyen  
al Al Kurunɗi beɗenɗi buninɗi dirde bitin  
yisikamke igin hiwonɗi yenɗi gusunɗi irde  
hime.

Irde Holi Spirit mata wukkenɗi wor po 7 minyan†  
gore wor gwahade po dirwonɗi yenɗi nurde  
hime.

5 Irde Yesu Kristu wor buninɗi dirde bitin  
yisikamke igin hiwonɗi yenɗi nurde hime.

Yesu Kristube Al Kurunɗi mere binɗe mat  
fudinde wor po tagalde hinhin.

Yenɗe kamtinɗe mat huward huward mata goyen  
yenɗi wa minɗi uryinɗi.

Yenɗe megen ninɗi doyanɗi mar karkuwanɗi gote  
doyanɗi al.

Yenɗi beɗenɗe neɗi gayen bubulkuɗne wor po yenɗi  
nurd dunenɗe darim wok irde kamyinɗe  
mat mata bulunɗi bana mat dad sinɗa diryinɗi.

6 Irde Naniɗi Al Kurunɗi yufukde derde yenɗi  
dolonɗi ird ird mata doyanɗi mar diryinɗi.

Ninɗeɗe deɗe turnunɗi yanya tarenyabe huginɗi  
huginɗi Yesu hitte po hiyenɗi. Fudinde wor  
po.

7 Ga nurnanɗi, yenɗe kigarinɗi faykek hende  
katenɗi hikeɗi  
al tumɗanɗi kennayinɗi.

Hakde fakamaminɗi marya megen ninɗi alya bereya  
tumɗanɗi daninɗi gwaha irtirinɗi yenɗi esenɗi  
obam tinayinɗi.

Gabe fudinde forok yiyyen! Fudinde wor po.

---

† 1:4: Namba 7 gote minɗe Al Kurunɗi asanɗeɗe bulunɗi kuram  
monɗi, wukkeɗi wor po goke yitinɗi.

<sup>8</sup> Be, Al Kurun̄ taren̄miñ kurun̄ wor po, Doyan̄ Al Kurun̄ belej, “Nebe Alfaya Omegaya,<sup>†</sup> det kurun̄ gayen miñ urmiriñ al, irde det kurun̄ gayen pasi ird ird al,” yeñ hi. Yeñbe bikken̄ hinhin, gayenter hi, irde kame wañ wañ albe yeñ gogo po.

*Yon belej Yesu Kristu kinyiñ*

<sup>9</sup> Be, ne Yonbe denya tumñan̄ Yesuya heñbe dadatiñ yara himiriñ hime. Irde yeñ ge teñ kanduk tumñande yeneñ hite. Neya denyabe Al Kurun̄ belej alya bereyamiñ doyan̄ yird yird bana goñ tumñan̄ hite. Irde yeñ ge teñ kanduk bana hite gega, goke mukku ma teñ goya goya sañiñ heñ heñ ge piñeñ ma heñ hite. Be, ne belej Al Kurun̄yen mereya Yesu belej tagalde hinhin mereya kurun̄ goyen tagalde himeke al belej goke igiñ ma nurdeb nade Patmos motmotde gago neramiñ. <sup>10</sup> Be, Doyan̄ Al Kurun̄yen nana nalu kurare kurab Holi Spirit belej sañiñ po ketal nuryiñ. Irkeb harhokne belej mat al melak kura bigul mere yara kurun̄ po forok yeke nurmiriñ.

<sup>11</sup> Meremiñbe gahade: “Mata keneñ ha gayen asande kaya. Irdeb asañ go Yesuyen alya bereya sios taun 7 bana hañ goke teñ kerke kuyeñ. Taun 7 gobe Efesus, Sumena, Pergamum, Taiataira, Sardis, Filadelfiyabe Laodisia,” inyiñ.

<sup>12</sup> Be, al mere nira go kene yeñbe tigiri timiriñ. Tigiri teñbe hulsi go hende yerde yusun̄ yurde han̄yen kutum 7 gol hora belej po yirtiñ goyen yinmiriñ. <sup>13</sup> Irdeb hulsi 7 go kahaltebe al kura

---

<sup>†</sup> **1:8:** Alfabe Grik mere kañ kañ matare mere bilmiñ meheñde, munan̄ Omegabe funan̄de. Alfa gote miñbe miñ urd urd niñ yitiñ, munan̄ Omegabe pasi ird ird niñ yitiñ.

“Al Urmiŋ” inenŋ hanŋen goyen kinmiriŋ. Yeŋbe amil sobam kerke kurkuŋ kahaŋ patare po hitiŋ, irde gol belei po kaŋ yara irtiŋ goyen dumuŋde bili irtiŋ miŋyaŋ. <sup>14</sup> Tonanya tonanŋ yuwalŋenya gobe sipsip wuyŋenya gagapya faykek wor po go gwahade hinhin, irde diliŋbe kak melak yara agat urde hinhin. <sup>15</sup> Irde kahaŋbe ain kura baras inenŋ hanŋen goyen kakde kunga tike buk yeŋ hel yeŋ hanŋen go gwahade yara hinhin. Irde merembe hamula kuruŋde mat fe solok yeŋ migiriŋ kuruŋ po teŋ hitiŋ yara nurmiriŋ. <sup>16</sup> Haniŋ yase beleiŋbe dinambe 7 yanarde hinhin. Irde fuleŋare niŋ bidila kura misiŋ kurhan kurhan goyenbe mohon bana mat waŋ hinhin. Irde kimiŋbe naŋa tareŋ po timiytiŋ yara hinhin.

<sup>17</sup> Be, go keneŋbe kafura wor po heŋ al kamtiŋ yara heŋ kahaŋ miŋde kateŋ dokolhonŋ yuguluŋ timiriŋ. Irkeb yeŋ beleiŋ haniŋ yase ne hende kerde gaha ninyiŋ: “Kafura ma hawayiŋ. Nebe det kuruŋ gayen miŋ urmiriŋ al, irde det kuruŋ gayen pasi ird ird al. <sup>18</sup> Nebe gwahader hitiŋ al. Kammiriŋ gega, sopte huwarde gwahader po delne gergeŋ himyen gago nenha. Nebe kamde kamde mataya kamtiŋ marte gasunya doyaŋ yird yird tareŋne yaŋ. <sup>19</sup> Niŋgeb ge beleiŋ mata gayenter forok yeŋ haŋ, irde kame forok yenayiŋ kuruŋ goyen delger yeneŋ ha gayen asaŋde kayayiŋ. <sup>20</sup> Hanne yase bana dinambe 7 haŋ gaya hulsi 7 gol beleiŋ po yirtiŋ gote miŋ banare hitiŋ gobe gahade: dinambe 7 gobe Yesuyen alya bereya sios taun 7 bana haŋ gote Al Kurunyen miyoŋ 7 niŋ yitiŋ. Irde hulsi 7 gobe Yesuyen alya bereya sios

taun 7 bana haɗ goke yitiɗ,” niniyiɗ.

## 2

### *Efesus niɗ Yesuyen alya bereya niɗ yiriɗ*

<sup>1</sup> Be, al gore sopte gaha niniyiɗ: “Gebe Yesuyen alya bereya sios Efesus taunde haɗ mar goyen doyaɗ yirde merene basaɗ heɗ saba yirde hiyen al go hitte mere gahade kayayiɗ:

Mere gabe al dinambe 7 haniɗ yase belɗ yanarde hulsi go hende yerde yusuɗ yurde haɗyen kutum 7 gol belɗ po yirtiɗ goyen kahalte kuɗ waɗ teɗ hiyen al gore gaha yiriɗ:

<sup>2</sup> Nebe deɗ belɗ mata igiɗ teɗ metɗ saɗiɗ po teɗ haɗyen, irde kanduk yeneɗ haɗyen goke mukku ma teɗ saɗiɗ po heɗ haɗyen goyen nurde himyen. Irde al kura dufay buluɗ miɗyaɗ mar goya hitek ma nurde haɗyen go wor nurde himyen. Irde al kura yiɗgeɗ ge yeɗ, ‘Neɗbe Yesuyen mere basaɗ mar,’ yeɗ al hoyaɗ usi yirde haɗyen mar goyen tuɗaɗ yurde meremiɗbe usi goyen keɗkela bebak teɗ haɗyen go wor nurde himyen. <sup>3</sup> Deɗbe ne niɗ teɗ kanduk kurayen kurayen yeneɗ haɗyen gega, goke mukku ma teɗ tareɗ po heɗ haɗyen. Kanduk goke yul ma yeɗ haɗyen.

<sup>4</sup> Goyenpoga matatiɗ kura goke igiɗ ma nurde hime gobe gahade: deɗbe haɗkapyaya Al Kurunya al hoyanya niɗ amaneɗ wor po nurd yuneɗ hinhan gega, gayenterbe go mata gob tubul teɗ gwaha ma teɗ haɗ. <sup>5</sup> Deɗbe mata igiɗ wor po teɗ hinhande mat katamiɗ gobe uguɗ wor po katamiɗ geb, goke dufay henayiɗ. Irde

mata bulunƙin yubul tenƙe yen ge bitin mulƙan hekeƙe haƙƙaƙaƙa mata igin ten hinhan goyen sopte ten hinayin. Munan gwaha ma tinayinƙe ne beƙe den hitte ƙunƙe nere hulsi den bana hi goyen gasunƙe mat ten siƙa irmeke gabutin gobe hubu po hiyyen. <sup>6</sup> Gega mata igin kura ten hanƙen goke amanen nurde hime gobe gahade: Nikolasyen usi mere gama irde hanƙen mar gore mata ten hanƙen goke ne beƙe igin ma wor po nurde himyen gwahade goyen po, den wor go mar goke igin ma nurde yunen hanƙen. Gobe igin wor po ten hanƙen.

<sup>7</sup> Niƙgeƙe al kirmin minyan marbe Holi Spirit beƙe sios momon yirde hi goyen nurde bebak tinaƙ ko. Al kura mata bulunya kandukya goyen fole yirnayin marbe ne beƙe ok yinmeke nene huginƙen hitte he igin Al Kurunƙen gasunƙe han goyen igin nenayin,” yirin.

### *Sumena nin Yesuyen alya bereya sios nin yirin*

<sup>8</sup> Be, al gore sopte gaha ninyin: “Gebe Yesuyen alya bereya sios Sumena taunde han mar goyen doyan yirde merene basan hen saba yirde hiyen al hitte mere gahade kayayin:

Mere diren tihim gabe det kurun gayen min uryin irde kame det kurun gayen pasi iryen al gote mere. Yenƙe kamiƙin gega, sopte huwaryin. Mereminƙe gahade: <sup>9</sup> Nebe den beƙe kanduk yenen hanƙen irde detin minmon geb det nin amu wor po hen hanƙen gobe nurde himyen. Gega Al Kurunƙen gasunƙe nin detbe budam wor po den hitte han! Nebe al kura yinƙen ge yen, ‘Nenƙe Yuda

mar,' yef al usi yirde han mar gore mere bulun mat dirde hanjen gobe nurde himyen. Go mar gobe Yuda mar wor po mon, irde Satanyen mere gama irnin yef gabu irde hanjen mar yef yenen himyen. <sup>10</sup> Niŋgeb deŋbe kanduk yennayin goke kafura ma henayin. Ga nurnaŋ. Satan beley deŋ goyen, "Gwaha yirmeke Al Kurun niŋ dufaymin tareŋ irtin goyen tubul tinaŋ," yef deŋ han bana goŋ niŋ al kura yade koyare yiryen. Irde deŋ goyen bulun bulun dirke naŋa fay 10 gayen kanduk bana hinayin. Gega ne niŋ dufaytin saŋin irtin gobe saŋin po tanarnayin. Mudunke kamnayin goke bada ma henayin. Gwaha tinayinbe kame gote muruŋgem igin wor po Al Kurunya huginen heŋ heŋ goyen dunen.

<sup>11</sup> Niŋgeb al kirmin minyan marbe Holi Spirit beley sios momon yirde hi goyen nurde bebak tinaŋ ko. Al kura mata bulunya kandukya goyen fole yirnayin marbe kamnayin gega, sopte kamde kamde gasuŋ kak alare ma kuŋbe Al Kurunya hugin hinayin," yirin.

### *Pergamum niŋ Yesuyen alya bereya sios niŋ yirin*

<sup>12</sup> Be, al gore sopte gaha ninyin: "Gebe Yesuyen alya bereya sios Pergamum taunde han mar goyen doyan yirde merene basan heŋ saba yirde hiyen al hitte mere gahade kayayin:

Mere direŋ tihim gabe fulenare niŋ bidila kura misiŋ kurhan kurhan goyen minyan al gote mere. Mereminbe gahade: <sup>13</sup> Nebe deŋ goyen Satan beley nigen tiyuŋ wor po yef

nurde tareɗ po metenɗ teɗ hiyende gor haɗ gobe nurde himyen. Gega denbe kanduk go bana haɗ goke kafura ma heɗ ne po gama nirde haɗ. Denbe ne niɗ dufaytinɗ tareɗ irtinɗ goyen tubul ma teɗ haɗ. Irde ne niɗ binde mat fudinde wor po tagalde hiyen al Antipas goyen al belen tauntinɗ bana goɗ mayke kamyinɗ goyenter wor denbe ne niɗ dufaytinɗ saɗinɗ irtinɗ goyen tubul ma tiyaminɗ. Fudinde, tauntinɗ bana goɗbe Satan belenɗ heɗ metenɗ teɗ hi.

<sup>14</sup> Goyenpoga matatinɗ kura iginɗ ma nurde himyen goyen momonɗ direɗ tihim gobe gahade: denɗ haɗ bana goɗ niɗ al kurabe Balamyen saba gama irde haɗ. Balambe Moap nanare niɗ doyanɗ al kurunɗ Balak belenɗ daha mat Israel mar usi yirke det tonenɗ al belenɗ yirtinɗ goyen galak yirtinɗ binde nenayinɗ irde leplep matare katnayinɗ yen goke saba iryinɗ.

<sup>15</sup> Gwahade goyen po, kuratinɗ kurabe Nikolasyen usi saba gama irde haɗ. <sup>16</sup> Niɗgeb matatinɗ goyen yubul teɗ Al Kurunɗ niɗ bitinɗ mulganɗ hiyyenɗ. Monɗo ne belenɗ denɗ hitte aranɗen kunɗ fulenare niɗ bidila mohonner hiyen goyen teɗ go mar goya artek geb.

<sup>17</sup> Niɗgeb al kirminɗ minyanɗ marbe Holi Spirit belenɗ sios momonɗ yirde hi goyen nurde bebak tinanɗ ko. Al kura mata bulunya kandukya



goyen fole yirnayiṅ marbe kame ‘mana’\* ba-nare hitiṅ goyen kura yuneṅ. Irde hora faykek go hende al deṅe gergeṅ katiṅ goyen wor yuneṅ. Al deṅe gobe hora goyen tiyyeṅ al go po ga nuryeṅ,” yiriṅ.

*Taiataira niṅ Yesuyen alya bereya sios niṅ yiriṅ*

<sup>18</sup> Be, al gore sopte gaha ninyiṅ: “Gebe Yesuyen alya bereya sios Taiataira taunde haṅ mar goyen doyaṅ yirde merene basaṅ heṅ saba yirde hiyen al hitte mere gahade kayayiṅ:

Mere direṅ tihim gabe Al Kurunyen Urmiṅde mere. Diliṅbe kak melak yara agat urde hinhin. Irde kahaṅbe ain kura baras ineṅ haṅyen goyen kakde kumba tike buk yeṅ haṅyen go gwahade yara hinhin. Meremiṅbe gahade: <sup>19</sup> Nebe mata dahade teṅ haṅyen goyen nurde hime. Irde deṅ beler Al Kurunya al hoyanya niṅ amaneṅ nurd yuneṅ haṅyen irde Al Kurun niṅ dufaytiṅ saṅiṅ irde yeṅ ge meteṅ teṅ haṅyen goyen nurde hime. Deṅbe yeṅ ge teṅ kanduk yeneṅ haṅ gega, goke mukku ma teṅ tareṅ po heṅ haṅyen goyen wor nurde hime. Gayenter deṅ beler mata igiṅ teṅ haṅyen gobe haṅkanya tiṅeṅ heṅya mata teṅ hinhan gote folek wor po teṅ haṅyen goyen manaṅ nurde hime.

---

\* **2:17:** Mana gobe bikkeṅ Israel mar Isip naṅa tubul teṅ sawsawa po kurun naṅa bana kuṅ hikeya Al Kurun beler binje yuneṅ hinhin go goyen. Mana kurabe kuwe bana heṅ Biṅa Bokis bana hinhin gega, Babilon mar beler Israel marte naṅa waṅ yakira tikeya bokis gobe bana kuriṅ. Gega Israel marbe kame Mesaia wayyeṅ nalurebe Bokis gobe kawan forok yiyyeṅ yeṅ nurde haṅyen.

20 Goyenpoga matatinj kura goke iginj ma nurde himyen. Matatinj gobe gahade: denbe bere kura goyen denya hej bikkenj Yesebel† mata tenj hinhin goyen gama irde hiyen gega, goke bulunjen ma nurde tubul tike denya hi. Bere gobe yingenj ge yenj, ‘Nebe Al Kurunjen mere basanj bere,’ yenj hi. Bere gore metenjan marne usi saba yirde mata bulunjen tenjen belnenjen yukukeb al kurabe lelep mata tenjen hanjen, irde kurabe det tonenjen al belenjen yirtinjen goyen galak yirtinjen binjen nene hanjen. 21 Nebe bere goyen Al Kurunjen ninjen binjen mulganjen hejen mata bulunminjen yubul tenjen tenjen nalu kerd unminjen gega, gwaha titek ma nurde hi. 22 Ninjen bere goyen temeymeke kanduk kurunjen bana katyenjen. Irde al berem yanjen belenjen bere goya duwan tenjen tenjen mata tenjen hanjen marbe ulinjen kanduk kurunjen forok ird yunenjen. Go mar gobe bere gote mata bulunjen gama irtinjen goyen yubul ma tinayinjenbe kanduk kurunjen forok irde yunenjen. 23 Nebe al kura bere gote saba po gama irde dirnenjen wenjen hitinjen mar goyen gasa yirmeke kamnayanjen. Gwaha yirmeke gab Yesuyen alya bereya tumnanjen alyen binjen ninjen dufay kenkela nurde hi albe yenjen po yenjen bebak tinayinjen. Nebe denjen belenjen mata tenjen hanjen kurunjen gote murunjen gem dunenjen.

24 Be, denjen Taiataira taunde ninjen sios bana bere

---

† 2:20: Yesebelbe bikkenjen Israel marte doyanjen al kura Ahapyen berem. Bere gobe ungunra dolonjen yirdeb Israel mar mananjen usi yirke bere gote mere gama irde ungunra dolonjen yirde hinhan. (1 Doyanjen Mar 16:31; 18:4; 21:1-26; 2 Doyanjen Mar 9:22; 9:30-37)

gote saba ma gama irde Satanyen mata kura banare niñ wor po inen hanjen gote saba ma nurde hanjen mar goyen momon diren tihim. Mere ga diren tihim gabe kanduk hoyan kura dune yen ma dinen hime. Merenebe gahade: <sup>25</sup> Denbe saba igin titin goyen tareñ po tanarde hinayin. Irkeb ne wañ deneñ.

<sup>26</sup> Niñgeb al kura mata bulunya kandukya goyen fole irde dufayne po gama irde hike kuñ kuñ nalu funan forok yiyyen marbe nanã karkuwan kurayen kurayen goyen doyan yird yird sanin yunen. <sup>27</sup> Goke tenbe Al Kurunyen asande gahade katin hi:

‘Yenbe doyan al kurunyen kutum kura ain belen po irtin goyen tanarde mel go doyan yirde hiyen.

Yen belen mel go gwamuñ yurke kuwe yase galan yitin yara hen bulun wor po henayin,’ yitin. *Tikin 2:9*

Niñgeb yitin gwahade goyen po Adone belen alya bereya doyan yird yird sanin nuntin geb, ne wor mata bulunya kandukya goyen fole yirde dufayne po gama irde hinayin mar goyen doyan mar karkuwan hen hen tareñ yunen. <sup>28</sup> Irde tareñne turnun yan wor po bayfon yara goyen wor yunen. <sup>29</sup> Al kirmin minyan marbe Holi Spirit belen sios momon yirde hi goyen nurde bebak tinañ ko,” yirin.

### 3

*Sardis niñ Yesuyen alya bereya sios niñ yirin*

<sup>1</sup> Be, al gore sopte gaha ninyiñ: “Gebe Yesuyen alya bereya Sardis taunde hañ mar goyen doyañ yirde merene basañ heñ saba yirde hiyen al hitte mere gahade kayayiñ:

Mere direñ tihim gabe Holi Spirit mata wukken wor po 7 miñyañ goya dinambe 7 goya yanarde hi al gote mere. Meremiñbe gahade: nebe mata dahade teñ hanyen gobe nurde hime. Al hoyañ belenbe igiñ po hañ yeñ deney hañ gega, delnerbe al kamtiñ yeñ deney hime. <sup>2</sup> Niñgeb huwarnañ! Irde matatiñ igiñ yubul titek heñ hañ goyen sopte yanarde sañiñ po yirñayiñ. Gobe Al Kurunñ diliñde matatiñ gobe hako po hañ yeñ deney hime geb, gago dineñ hime. <sup>3</sup> Niñgeb hañkapyä saba damiñ dirke nuramiñ goke bitiñ sir ma yenayiñ. Irde saba goyen gama irde mata bulunñiñ goyen yubul teñ Al Kurunñ niñ bitiñ mulgañ hiyyey. Munañ huwarnayiñ moñbe ma nurde hikeya kawe mar wañ hanyen gwahade po, deñ hitte kuñ matatiñ gote murunñgem bulunñ duneñ. Deñbe ne gayen deñ hitte kuñ kuñ nalu goyen epte ma bebak tinayiñ. <sup>4</sup> Goyenpoga deñ sios Sardis taunde hañ mar bana goñ niñ al kura matamiñbe uliñ umña tikiñ ma yirtiñ yara Al Kurunñ diliñde wukken hañ. Mel gobe Al Kurunñ diliñde wukken hitiñ mar gote amil faykek wor po goyen yunmeke hor teñbe neya heñ mata huwak teñ hinayiñ. Mel gobe gwaha yirtek po hañ geb, gogo yireñ. <sup>5</sup> Niñgeb al kura mata bulunya kandukya goyen fole yirñayiñ marbe mel go yireñ gwahade goyen po,

amil faykek wor po goyen hor yirde yuneŋ. Irde deŋembe Al Kurunya hugiŋeŋ hitek marte deŋem katiŋ asaŋde mat yade siŋa ma yireŋ. Gwaha titŋeŋbe Adoneya miyoŋmiŋyat diliŋ mar mel goyen nere yeŋ nurd yuneŋ. <sup>6</sup> Al kirmiŋ miŋyaŋ marbe Holi Spirit beleŋ sios momoŋ yirde hi goyen nurde bebak tinaŋ ko,” yiriŋ.

*Filadelfia niŋ Yesuyen alya bereya sios niŋ yiriŋ*

<sup>7</sup> Be, al gore sopte gaha ninyiŋ: “Gebe Yesuyen alya bereya sios Filadelfia taunde haŋ mar goyen doyaŋ yirde merene basaŋ heŋ saba yirde hiyen al hitte mere gahade kayayiŋ:

Mere direŋ tihim gabe wukkeŋ wor po, irde mere fudinde po teŋ hi al gote mere. Yeŋbe Al Kurun beleŋ alya bereyamiŋ doyaŋ yird yird gasuŋ Dewityen taun ineŋ haŋyen gote miŋ al geb, taun yame degel degel ki goyen miŋyaŋ. Yeŋ beleŋ yame goyen hol iryeŋbe al kura beleŋ epte ma tayyeŋ. Irde yeŋ beleŋ yame goyen tayyeŋbe al kura beleŋ epte ma digilyeŋ. Meremiŋbe gahade: <sup>8</sup> Nebe deŋ beleŋ mata dahade teŋ haŋ goyen nurde hime. Deŋ goyen igiŋ Dewityen taun bana hurkunayiŋ yeŋbe yame degelde dunmiŋ ga hi ga kennaŋ. Ne beleŋ yame degelde dunmiŋ gabe al kura epte ma tayyeŋ. Deŋbe saŋiŋtiŋ kurun moŋ gega, merene po gama irde ne niŋ helwaŋ ma heŋ haŋyen goyen nurde hime. <sup>9</sup> Ga nurnaŋ! Al buda Satanyen mere gama irde haŋ mar gobe usi mar wor po. Go mar gobe yiŋgeŋ ge yeŋ, ‘Neŋbe Yuda mar,’ yeŋ haŋ gega gwahade

moŋ. Nebe go mar goyen bul yirmeke deŋ hitte waŋ kahaŋtiŋ miŋde urguŋ kanayiŋ. Irdeb ne beleŋ bubulkuŋne wor po yeŋ nurd dunen himyen goyen keneŋ bebak tinayiŋ. <sup>10</sup> Deŋbe kanduk yeneŋ mukku ma teŋ tareŋ heŋ heŋ ge piŋeŋ ma heŋ hinayiŋ yeŋ tareŋ po dinmiriŋ goyen po gama irde hanyen geb, ne wor kanduk kuruŋ forok yeŋ yeŋ nalure kanduk gore buluŋ dird dird belneŋbe pet tiyeŋ. Kanduk gobe alya bereya megen haŋ kuruŋ gote dufaymiŋya matamiŋya tuŋaŋ yurd yurd niŋ forok yiyyeŋ gega, deŋ goyen kanduk go bana mat dad siŋa direŋ.

<sup>11</sup> Nebe heŋ ga ma wayeŋ. Niŋgeb mere fudindeya mata huwakya deŋ hitte hi goyen keŋkela po tanarde hinayiŋ. Gogab kame matatiŋ iŋiŋ gote muruŋgem goyen al hoyan beleŋ epte ma goran dirnayiŋ. <sup>12</sup> Niŋgeb al kura mata buluŋya kandukya goyen fole yir-nayiŋ marbe Al Kurunyen ya balem gote to-lamiŋ yireŋ geb, Al Kurunya hugiŋeŋ hinayiŋ. Yeŋbe ya balem go ma po tubul teŋ siŋare kunayiŋ. Nebe Al Kurunyen deŋemya taun-miŋ gote deŋemya goyen mel go uliŋde kayeŋ. Irde deŋne wor kayeŋ. Taun gobe Yerusalem gergeŋ, Al Kurunyen gasuŋde mat katyeŋ. <sup>13</sup> Al kirmiŋ miŋyaŋ marbe Holi Spirit beleŋ sios momoŋ yirde hi goyen nurde bebak tinaŋ ko,” yiriŋ.

*Laodisia niŋ Yesuyen alya bereya sios niŋ yiriŋ*

<sup>14</sup> Be, al gore sopte gaha ninyiŋ: “Gebe Yesuyen alya bereya sios Laodisia taunde haŋ mar goyen

doyaŋ yirde merene basaŋ heŋ saba yirde hiyen al hitte asaŋ gahade kayayiŋ:

Mere direŋ tihim gabe mere fudinde gote miŋ alyen mere. Yeŋbe biŋa tiyyiŋ goyen fudinde po gama ird ird al, irde Al Kurunŋ niŋ fudinde po tagal tagal al. Al gobe det kurunŋ gayen Al Kurunŋ beleŋ forok yiryiŋ gote doyaŋ al. Meremiŋbe gahade: <sup>15</sup> Nebe deŋ beleŋ mata dahade teŋ haŋyen goyen nurde hime. Dende Al Kurunŋ gama ird ird matatiŋbe saŋiŋ wor po moŋ, irde buluŋ wor po moŋ, kahaltem po haŋ. Gobe fe kura uka wor po moŋ, irde uysuŋ wor po moŋ go gwahade goyen. Goyenbe deŋ goyen uka hiniŋ yeŋbe ukam po hiwoŋ, munaŋ uysuŋ hiniŋ yeŋbe uysuŋ po hiwoŋ yeŋ nurde hime. <sup>16</sup> Deŋbe fe kura uka wor po moŋ, irde uysuŋ wor po moŋ yara geb, mohoŋner mat meyaŋ titiŋ yara dirde demeyde harhokne duneŋ tihim. <sup>17</sup> Deŋbe dindigeŋ ge yeŋbe, ‘Neŋbe igiŋ wor po hite. Mataniniŋbe igiŋ po teŋ hityen geb, mata igiŋ hoyaŋ kura neŋ titekbe hubu,’ yeŋ haŋyen. Goyenpoga deŋbe al bunineŋ wor po, mata igiŋ kura deŋ hitte ma hi goyen bebak ma teŋ haŋ! Deŋbe kaŋaŋ mar, kupsoŋ heŋ kuŋ haŋ, irde diltiŋ titmiŋ yeŋ deneŋ hime. <sup>18</sup> Niŋgeb ne hitte mat gol hora\* kakde kumga tike igiŋ wor po hitiŋ goyen damu tinaŋ dineŋ hime. Gogab Al Kurunŋ diliŋde samuŋtiŋ yaŋ mar wor po henayiŋ. Irde amil faykek† ne hitte damu tinaŋ dineŋ hime. Gogab kupsoŋ

---

\* **3:18:** Al Kurunŋ diliŋde mata igiŋ wor po goke yitiŋ. † **3:18:** Amil faykekbe mata huwak wukken wor po goke yitiŋ.

heñ memyak hitiñ hañ goyen amil gore ulitiñ aw duryeñ. Irde dilitiñ titmiñ go sope yird yird goke he fimiñ kura ne hitte damu tinañ dineañ hime. Gogab igiñ nanñkennayiñ.

<sup>19</sup> Nebe al kura bubulkuñne wor po yeñ nurde yuneñ himyen marbe buluñ tike goke yineñ teñ saba yirde himyen. Niñgeb mata igiñ gama yird yird mata goke po nurde hinayiñ. Irde mata buluñtiñ yubul teñ yeñ ge bitin mulgañ hiyyeñ. <sup>20</sup> Ga nurnañ! Nebe yamere huwarde yame mayde hime. Al kura merene nurde yame degelde nunkeb bana goñ hurkuñbe yenya dula teñ yenya hireñ.

<sup>21</sup> Niñgeb al kura mata bulunya kandukya goyen fole yirñayiñ marbe ne beleñ al buluñ fole irde deñne yañ wor po heñ Adoneya har gwahade goyen po, yeñ wor doyañ mar karkuwañ heñ neya heñ heñ sañiñ goyen yuneñ. <sup>22</sup> Al kirmiñ miñyañ marbe Holi Spirit beleñ sios mere momoñ yirde hi goyen nurde bebak tinañ ko,” yiriñ.

## 4

### *Al Kurunyen gasunde niñ taun goke yiriñ*

<sup>1</sup> Be, al gore gwaha yiriñ go kamereb Al Kurunyen gasunde hurkuñ hurkuñ yame figilitiñ hinhin goyen forok yeke kinmiriñ. Irkeb al melak kura hañkapyä bigul mere titiñ yara nurmiriñ goyen gore po, “Hende gar waya. Irkeb kame mata dahade forok yenayiñ goyen gikala gireñ,” ninyiñ. <sup>2</sup> Irkeb goya goyen po Holi Spirit beleñ tareñ po ketal nuryiñ. Irkeb kemne mat Al



Kuruṅyen gasuṅ bana Doyaṅ Al Kuruṅyen keperd keperd gasuṅde al kura keperde hike kinmiriṅ. <sup>3</sup> Doyaṅ Al Kuruṅyen keperd keperd gasuṅde gor keperde hinhin al gote dinsokbe yaspa horaya hora bukkenṅ konilian ineṅ hanyen go gwahade yara agat urde hinhin. Irde gamatsaw beṅ keperd keperd gasuṅ go milgu irtiṅ goyen kinmiriṅ. Gamatsaw gobe hora digulak emeral ineṅ hanyen gwahade yara melak heṅ hinhin. <sup>4</sup> Be, Doyaṅ Al Kuruṅyen keperd keperd gasuṅ go siṅakyanṅbe doyaṅ marte keperd keperd gasuṅ 24 gore milgu irtiṅ hinhan. Go hereṅbe Al Kuruṅyen alya bereyat doyaṅ mar parguwak 24 beṅ kipirtiṅde hinhan. Mel gobe amil faykenṅ hor yirde tonanṅdebe doyaṅ alyen tonanṅhor yirtiṅ hinhan. <sup>5</sup> Be, Doyaṅ Al Kuruṅyen keperd keperd gasuṅde matbe dagamel teṅ daga kateṅ hururuṅ teṅ hinhin. Keperd keperd gasuṅ goyen diliṅ marbe hulsi 7 beṅ melak heṅ toltol yeṅ hinhan. Hulsi 7 gobe Holi Spirit mata wukkenṅ wor po 7 miṅyanṅ go goyen. <sup>6</sup> Irde makanṅ ala galas beṅ po irtiṅ yara wukkenṅ wor po goyen wor keperd keperd gasuṅ go diliṅ mar beṅ hinhin.

Be, doyaṅ mar 24 gote keperd keperd gasuṅ Doyaṅ Al Kuruṅyen keperd keperd gasuṅ milgu irtiṅ goyen kahal banabe det biṅfut miṅyanṅ Al Kuruṅ beṅ yirtiṅ kura sipte hinhan. Det gote biṅya harhokya beṅbe diliṅ beṅ po sam yirtiṅ hinhan. <sup>7</sup> Det biṅfut miṅyanṅ goyen kurabe laion yara kinmiriṅ. Kurabe bulmakaw yara, irde kurate kimiṅbe al kimiṅ yara kinmiriṅ. Irde funanṅbe buntuluṅ naṅa kota foy titiṅ yara gor

hike kinmiriñ. <sup>8</sup> Det binfut miñyañ sipte goyen yuñkureñ yuñkureñbe tapen 6 miñyañ hinhan. Irde uliñ piginbe diliñ belen po tumñañ sam yirtiñ hinhan. Tapen yufuk bana manañ diliñ belen sam yirtiñ hinhan. Det binfut miñyañ gobe nanñkahalya wawunya hugiñen gaha yeñ hinhan:

“Al wukken, al wukken,

Doyañ Al Kurunbe al wukken wor po.

Al Kurun tarenmiñ kurun wor po gobe

bikken hinhin, gayenter hi,

irde kame wayyen,” yeñ hinhan.

<sup>9</sup> Det binfut miñyañ gore Doyañ Al Kurunyen keperd keperd gasunđe keperde heñ gwahader hitiñ al goyen denem turnuñ yañ irde isoka irde metenmiñ goke igiñ nurd unen hinhan. <sup>10</sup> Gwaha ten hike goya goyenbe Al Kurunyen alya bereyat doyañ mar parguwak 24 belenbe Doyañ Al Kurunyen gasunđe keperde hinhin al gote diliñ mar urgun kañ gwahader hitiñ al goyen dolon irde hinhan. Mel gobe doyañ mar karkuwanđe tonanñhormiñ goyen yugu ten Doyañ Al Kurunyen keperd keperd gasun goyen kahan miñde yerdeb gaha yeñ hinhan:

<sup>11</sup> “Gebe Doyañ Al Kurunniniñ, irde Al Kurunniniñ.

Ge belen po ga det kurun gayen yirariñ.

Dufayge po gama irde det kurun gayen forok yirariñ.

Niñgeb denen turnuñ yanña sañiñ kurunya tetek po ha.

Irde palap girtek po ha,” yeñ hinhan.

## 5

### *Asanya Sipsip al dirin dirnya*

<sup>1</sup> Be, go kamereb Doyan Al Kurunyen keperd keperd gasunde kipirtin hinhin al gote hanin yase banabe asan sobam bili irtin kura goyen tanarde hike kinmirin. Asan gobe harhok belenya bin belenya tumnan katin, irde det unguni yara goyen 7 yade asan bili irtinde gor sanin yirtin hinhan.

<sup>2</sup> Be, nebe Al Kurunyen miyon tarenmin kurun wor po kura gore hokde, “Ganun al belen det unguni yara asan yulyanen bili irtinde taga yurtin goyen epte yukala ten asan go digilyen?” yeke kinmirin.

<sup>3</sup> Goyenpoga al gore kura asan ulyan go epte degeltek mon. Asan goyen bana kenen kenen manan epte mon. Al Kurunyen gasunde nin, megen nin, megen bin bana nin al ma det kura belen epte ma asan go degelde kentek hinhan.

<sup>4</sup> Irkeb al wukke wor po kura gore asan goyen epte degelde go binde kentek minmon wor po kenenbe goke esitinde hinhem.

<sup>5</sup> Irkeb Al Kurunyen alya bereyat doyan marte parguwak kura belen, “Esen ma yo! Yekop urmin kura Yuda, denem kurabe Laion inen hanjen gote dari gama irde forok yirin al gobe Dewityen minde mat watin. Yenbe asogom al bulun goyen fole irtin. Al gore gab det unguni yara belen asan sobam bili irde taren yirtin det 7 goyen epte yukala ten digilyen,” ninyin.

<sup>6</sup> Be, go kamereb al kura Sipsip al dirin dirnen go gwahade yara kinmirin. Sipsip go kenenminbe bikken mayke kamtin yara kinmirin. Be, Sipsip dirnen go Doyan Al Kurunyen keperd keperd

gasuɲ kahalte wor po gor huwarde hinhin. Keperd keperd gasuɲ goyen siɲakyaɲbe det binfut miɲyaɲ sipteɲa Al Kurunyen alya bereyat doyaɲ marte parguwakya beɲeɲ milgu irtin hinhan. Sipsip dirɲeɲ gote hirkambe 7, irde diliɲ wor 7 hinhan. Diliɲ 7 gobe Holi Spiritɲen mata wukkeɲ wor po 7 miɲyaɲ go goyen. Holi Spirit gobe Al Kurun beɲeɲ alya bereɲa megen haɲ kurun goke teɲ kerke kuriɲ. <sup>7</sup> Be, Sipsip dirɲeɲ gore Doyaɲ Al Kurunyen keperd keperd gasuɲde hinhin al go hitte kuɲ haniɲ yase bana asaɲ ulyaɲ bili irde unguni po saɲiɲ irtin hinhin goyen tirin. <sup>8</sup> Be, yeɲ beɲeɲ asaɲ go tekeb det binfut miɲyaɲ sipte goɲa Al Kurunyen alya bereyat doyaɲ marte parguwak 24 gore Sipsip dirɲeɲ kimiɲ mat urgun kayamiɲ. Urgun kayamiɲ mar gobe yunƙureɲ yunƙureɲ tikiɲde niɲ det hap ineɲ haɲyeɲ goyen nende gigen yanartiɲ hinhan. Irde koron gol hora beɲeɲ po yirtin goyen wor yanartiɲ hinhan. Koron bana gonbe det hamiɲ igin muɲ wor po go goyen miɲyaɲ hinhan. Det hamiɲ igin muɲ wor po gobe Al Kurunyen alya bereɲa beɲeɲ Al Kurun mere irde haɲyeɲ go goyen. <sup>9</sup> Be, mel gobe tikiɲde niɲ det hap ineɲ haɲyeɲ goɲa koron gol hora beɲeɲ yirtin goyen yanarde tikiɲ gergeɲ kura hamiɲ. Tikiɲmiɲbe gahade:

“Gebe mugunke kamariɲ.

Irde darige wok yitiɲ go hende harde alya bereɲa Al Kurun hitte yumulgaɲ tiyariɲ.

Alya bereɲa gobe miɲ kurayen kurayen, meremiɲ kurayen kurayen, dari miɲ kurayen kurayen, naɲa kurar niɲ kura niɲ yumulgaɲ tiyariɲ.

Goke tenbe ge belen po gab epte asan goyen ten degelayin.

<sup>10</sup> Ge belen mel goyen alya bereya Al Kurun belen doyan yird yird mar yirarin.

Irde Al Kurun dolon ird ird mata doyan mar yirarin.

Irkeb yen belen det kurun megen han kurun goyen doyan yirde hinayin,” yamin.

<sup>11</sup> Be, go kamereb nebe Al Kurunyen miyon budam wor po epte ma kapyan hetek goyen yenenbe meremin manan nurmirin. Miyon goreb Doyan Al Kurunyen keperd keperd gasun, det binfut minyan sipte goyen, irde Al Kurunyen alya bereyat doyan marte parguwak goyen milgu yiramin. <sup>12</sup> Irdeb hokde po tikin gahade hamin:

“Sipsip dirnen mayke kamyin gore po gab epte sanin tetek hi.

Irde epte Al Kurunyen samun tumnan ingin yawartek hi.

Dufay wukkek, sanin, den turun yan goyen ingin yende hetek hi.

Irde palap irde isoka irtek albe ge po,” yamin.

<sup>13</sup> Be, go kamereb det kurun gayen tumnan tikin hen hinhan. Nan kinde nin, megen nin, megen bin bana nin, irde make nde nin det kurun goreb gahade tikin hamin:

“Doyan Al Kurunyen keperd keperd gasunde kipirtin hi al goya Sipsip dirnenya goyen isoka yirde palap yirde den turun yan yirde tare kurun gobe gwahader yen po yunen hitek,” yamin.

14 Irkeb det binfut minyan sipte gore wol henbe, “Fudinde wor po,” yamin. Irkeb Al Kurunyen alya bereyat doyan marte parguwak beley dokolhon yugulun ten urgun kanbe Al Kurunya Sipsip dirnenya goyen dolon yiramin.

## 6

*Asan bili irde taren yirtin unguni goyen yukala ten asan go digilyin*

<sup>1</sup> Be, go kamereb Sipsip dirnen beley asan bili irde unguni 7 po sanin yirtin goyen unkenmin ukala tiyyin goyen kinmirin. Irkeb det binfut minyan sipte hinhan goyen unken kura beley “Waya!” yirin. Mere tiyyin gobe daga migirin yara tiyyin. <sup>2</sup> Irkeb hos faykek kura goyen forok yeke kinmirin. Al kura hos go hende hinhin al gobe hite haniinde manan hinhin. Irde doyan alyen tonanhor hor irde untin. Irkeb megen hike kwa kurun goyen bana gon kun fulena tiyyin. Yen beley po megenya alya yad yad nin ten hos hende kurin.

<sup>3</sup> Be, Sipsip dirnen beley unguni kura sopte ukala tikeb det binfut minyan sipte goyen kura beley wor sopte, “Waya!” yeke nurmirin. <sup>4</sup> Be, gwaha yekeb hos hoyan kura forok yirin. Hos gobe bukkenhel yitin wor po. Hos go hende keperde hinhin al gobe alya bereya megen han gayen bin kamke awalikde hen hen mata goyen ten sina irke al yingen ulin kadam mugunen ten kamde kamde sanin untin. Irde fulenare nin bidila kurun kura goyen wor untin.

<sup>5</sup> Be, Sipsip dirneɓ beɓeɓ unguni tareɓ yir-  
tiɓ 7 bana goyen karwomiɓ ukala tikeb det  
biɓfut miɓyaɓ sipte goyen hoyan kura beɓeɓ  
wor, “Waya!” yeke nurmiriɓ. Be, gwaha yekeb  
hos kura delne mar forok yeke kinmiriɓ. Hos  
gobe halkeɓ wor po. Hos go hende keperde  
hinhin al gobe det kanduk tunan teɓ teɓ det  
kura haniɓde tanartiɓ hinhin. <sup>6</sup> Irkeb det biɓfut  
miɓyaɓ sipte hinhan bana goɓ mat al melak kura  
forok yeke nurmiriɓ. Merebe gahade: “Albe  
meteɓ teɓ hinayiɓ gega, biɓgebe budam ma forok  
yeɓ hinayiɓ. Irkeb nana fay unkuɓeɓ bana meteɓ  
teɓ murungem teɓ hinayiɓ gote hora gore biɓge  
damu teɓ hinayiɓ gega, biɓge budam ma yade  
hinayiɓ. Niɓgeb biɓge damu tiniɓ yeɓ wit damu  
teɓ hinayiɓbe koron dirneɓ unkuɓeɓ gwahade  
po teɓ hinayiɓ, munan bali damu teɓ hinayiɓbe  
koron mukneɓ karwo gwahade po yade hinayiɓ.  
Goyenbe mel gore olip fimiɓya wain fimiɓyabe  
igiɓ yawarnayiɓ geb, olip heya wain heyabe  
bulun ma yirayiɓ,” yiriɓ.

<sup>7</sup> Be, Sipsip dirneɓ beɓeɓ unguni tareɓ yir-  
tiɓ 7 bana goyen siptemiɓ ukala tikeb det biɓfut  
miɓyaɓ sipte hinhan goyen funan beɓeɓ, “Waya!”  
yeke nurmiriɓ. <sup>8</sup> Be, gwaha yekeb hos kura  
delne mar forok yeke kinmiriɓ. Hos gobe wul-  
sakkeɓ. Hos go hende keperde hinhin al gote  
deɓembe Kamde Kamde. Yeɓ hos hende wan  
hikeb Al Metebe harhokde go po bindere gama  
irde wan hike kinmiriɓ. Al irawa gobe alya  
bereya megen han kurun gayen pota yirke buda  
sipte hekeb buda unkuɓeɓbe bulun yirke kamde

kamde sanɓin yuntin. Niɓgeb buda unɓkuren goyen bana al kurabe fulenɓe nin bidilare kamnayan, biɓge kamde kamnayan, kurabe garbam heɓ kamnayan, irde kurabe dapɓa duwi kafuram wor po gore gasa yirke kamnayan.

<sup>9</sup> Be, Sipsip dirɓen belen unɓuni sanɓin yirtin 7 bana gon siptesononmin goyen ukala tiyyin. Irkeb al buda kura Al Kurunyen mere gama irde tagalde kun hike gasa yirke kamamin mar gote tonenɓe Al Kurun galak ird ird alta yufukde hike yinmirin. <sup>10</sup> Mel gore hokde po, “Doyan Al Kurun, tarengebe kurun wor po. Gebe wukken wor po, irde meregebe fudinde wor po. Goyenbe megen han mar belen mudunke kamtirin goyen goke daha nanɓa gab merere yerde matamin gote murungem bulun goyen wol heɓ yunayan? Sobamde po doyan hetek we?” inamin. <sup>11</sup> Irde mel gobe unɓkuren unɓkuren amil fayken nende gigen yuntin. Irdeb, “Deɓ mudunke kamamin gwahade goyen po, Doyan Al Kurunya heɓ kadtin yago hitin marya Doyan Al Kurunyen meten mar kadtin hitin goyen wor gasa yirke kamde hinayan goyen kun kun budam heɓ ep heke gab muduntin mar goyen merere huwarnayan geb, goke doyan heɓ hinayan. Go nalu gobe ulyande ma hikeya forok yiyyen,” yinke nuramin.

<sup>12</sup> Be, Sipsip dirɓen belen unɓuni taren yirtin 7 bana goyen 6min ukala tiyyin goyen kinmirin. Irkeb ninina kurun wor po forok yirin. Nanɓe kidoma bulun po hirin. Gobe meme sikken halken wor po gore ulinhor irtin gwahade yara hirin. Irde gagasibe dari yara bukkenhel wor



po hiriŋ. <sup>13</sup> Irde dinambe yagobe naŋkiŋde mat suk yeŋ megen katamiŋ. Dinambe gobe meŋe kuruŋ harde fik he igineŋ haŋkapok fuguru tike megen kateŋ haŋyen go gwahade tiyamiŋ. <sup>14</sup> Naŋkiŋbe asaŋ sobam bili irtiŋ yara bili irke hubu hiriŋ. Duguya motmotyabe tumŋaŋ gasuŋde mat yade hoyande yirtiŋ. <sup>15</sup> Irkeb megen niŋ doyaŋ mar karkuwaŋ, doyaŋ mar, fuleŋa marte doyaŋ mar karkuwaŋ, al horam yaŋ mar, saŋiŋ miŋyaŋ mar, al kurate yufuk bana heŋ muruŋgem moŋ duliŋ meten teŋ haŋ maryabe yiŋgeŋ dufaymiŋde haŋ marya tumŋaŋ busa-harde duguyaŋ hurkuŋ horabok bana hinhan, irde kurabe hora karkuwaŋ kahalte mabok biŋde hinhan. <sup>16-17</sup> Mel gobe duguya hora karkuwaŋya goyen mabokde heŋbe, “Doyaŋ Al Kuruŋyen keperd keperd gasuŋde keperde hi al goya Sipsip dirŋeŋya gote bearar goyen ganuŋ mar beŋe epte saŋiŋ heŋ fole irnayiŋ? Hubu wor po! Niŋgeb deŋ duguya hora karkuwaŋya, neŋ hende katnaŋ. Irdeb Doyaŋ Al Kuruŋyen keperd keperd gasuŋde keperde hi al gote diliŋde hitek moŋ geb, bana dernaŋ. Irkeb Sipsip dirŋeŋ gote bearar go ma kenteŋ,” yamiŋ.

## 7

### *Alya bereya 144,000 goyen basiŋa yiryiŋ*

<sup>1</sup> Be, go kamereb Al Kuruŋyen miyoŋ sipte beŋe megeŋ muruŋ kurhan kurhan huwarde hike yinmiriŋ. Miyoŋmiŋ sipte gobe moŋgo meŋe huwarde megeŋya makaŋyabe heya buluŋ yiryenkek yeŋbe meŋe beŋeŋ sipte goyen pet

teŋ hinhan. <sup>2</sup> Irke Al Kurunyen miyoŋ hoyan kura naŋa waŋ waŋ beleŋ mat waŋ hike kinmiriŋ. Yeŋbe alya bereya Al Kurun gwahader hitiŋ beleŋ basaŋa yiryiŋ goyen kimiŋde soŋ yird yirdde niŋ det goyen miŋyaŋ wake kinmiriŋ. Be, miyoŋ gore miyoŋ sipte, megeŋya makaŋya buluŋ yirtek tareŋ yuntiŋ goyen kuware po hoy yirdeb yinyiŋ. <sup>3</sup> “Neŋ beleŋ Al Kurunniŋ gote meten mar kimiŋde soŋ yird yird goyen pasi irteke gab megeŋ, makaŋya heya goyen gwamuŋ yurnayiŋ,” yinyiŋ. <sup>4</sup> Irde alya bereya Al Kurunyen meten mar kimiŋde soŋ yirtiŋ goyen kapyan heŋ pasi irdeb, “Soŋ yirtiŋ mar tumŋaŋbe 144,000,” yeke nurmiriŋ. Kimiŋde soŋ yirtiŋ mar gobe Israel mar al miŋ 12 bana mat watiŋ. <sup>5</sup> Go mar gobe gahade:

Yuda miŋde niŋbe 12,000,  
 Ruben miŋde niŋbe 12,000,  
 Gat miŋde niŋbe 12,000,  
<sup>6</sup> Aser miŋde niŋbe 12,000,  
 Naptali miŋde niŋbe 12,000,  
 Manase miŋde niŋbe 12,000,  
<sup>7</sup> Simeon miŋde niŋbe 12,000,  
 Liwai miŋde niŋbe 12,000,  
 Isakar miŋde niŋbe 12,000,  
<sup>8</sup> Sebulun miŋde niŋbe 12,000,  
 Yosep miŋde niŋbe 12,000,  
 Benyamin miŋde niŋbe 12,000.

*Al buda kurun beleŋ Al Kurun dolon iramiŋ*

<sup>9</sup> Be, go kamereb al buda kurun wor po epte ma kapyan hetek goyen delne mar forok yeke yinmiriŋ. Mel gobe naŋa karkuwan karkuwan, miŋ

kurayen kurayen, sikken umña kurayen kurayen,  
irde merem kurayen kurayende mat watiñ. Mel  
gobe amil fayken hor yirdeb Doyañ Al Kurunyen  
keperd keperd gasunya Sipsip dirñenyat diliñ  
mar huwarde patila yuwalñen yanarde hinhan.\*

<sup>10</sup> Irde kuware po,

“Dumulgañ ten ten mata gobe Al Kurunñiniña  
Sipsip dirñenya hitte mat watiñ.

Al Kurunbe Doyañ Al Kurunyen gasunde keperde  
hi!” yamiñ.

<sup>11</sup> Be, Al Kurunyen miyoñ beleş tumñañ Doyañ  
Al Kurunyen keperd keperd gasunya Al Ku-  
runyen alya bereyat doyañ marte parguwakyabe  
det binfut miñyañ sipteya goyen gote harhokde  
huwarde milgu yiramiñ. Irdeb Doyañ Al Ku-  
runyen keperd keperd gasuñ beleş goñ diliñ mar  
wulgurut yeñ kimiñ megen irde Al Kurun dolon  
iramiñ. <sup>12</sup> Dolon irde henjabe gaha yamiñ:

“Fudinde wor po!

Al Kurun isoka irde denem turnuñ yañ irde hitek!

Dufay wukkekyatarenya sañnyabe hugiñen

Al Kurunñiniñde po henayiñ.

Yeñ po ga igiñ nurd unen palap irde hitek!

Fudinde wor po!” yamiñ.

<sup>13</sup> Be, go kamereb Al Kurunyen alya bereyat  
doyañ marte parguwak 24 bana goñ niñ al kura  
beleş, “Al buda amil fayken hor yirtiñ mar gabe  
ganuñ? Irde mel gabe damde mat watiñ?” ninen  
gusunañ niryiñ. <sup>14</sup> Irkeb ne beleş wol henbe,  
“Doyañ al, gebe nurde ha,” inmiriñ. Irkeb yeñ

---

\* **7:9:** Patila yuwalñenbe al buluñ fole irtiñ goke yitiñ.

belen, “Al buda gabe kanduk kurun yenen hinhan gega, sanin hen watin mar. Mel gabe amel hor yirtin goyen Sipsip dirnen de dari belen po halde faykek wor po yiramin. <sup>15</sup> Gwahade ningeb mel gore Al Kurunyen ya balem bana hen Doyan Al Kurunyen keperd keperd gasunde gon dilin mar nan kahalya wawunya dolon ird ird mata ten hanyen. Irkeb Doyan Al Kurunyen keperd keperd gasunde keperde hi al gore mel goya hen yufukde yerde doyan yirde hiyen. <sup>16</sup> Irkeb mel gobe sopte binje ma kamnayan, irde fe nin ma yiryen. Irde nana ma, kak uka wor po kura gore epte ma bulun yiryen. <sup>17</sup> Gobe Sipsip dirnen, Doyan Al Kurunyen keperd keperd gasun kahalte hi al gore sipsip doyan al yara hen mel go doyan yirde hiyen geb, epte ma bulun henayan. Yen belen mel go bul yirde Al Kurunya huginen hen hen fe forok yen hanyen gasunya yukuyen. Irkeb Al Kurun belen mel gote dilin fimin tumnan halde yunyen,” ninyin.

## 8

### *Asan bili irtin unguni taren yirtin goyen funan ukala tiyyin*

<sup>1</sup> Be, Sipsip dirnen belen asan ulyan bili irtin goyen unguni taren yirtin 7 bana goyen funanmin ukala tiyyin. Irkeb 30 minit gwahade Al Kurunyen gasunde migirin minmon, din den iramin. <sup>2</sup> Go kamereb Al Kurun dilin mar miyon 7 huwarde hanyen goyen yinmirin. Miyon gobe bigul 7 yunke yanaramin.

<sup>3</sup> Irkeb Al Kurunyen miyon hoyan kura belen det hamnen yan kumba ten tenje nin koron gol hora belen po irtin goyen tenbe Al Kurun galak ird ird alta dilin mar huwarij. Yenbe Doyan Al Kurunyen keperd keperd gasun dilin mar alta gol po irtin go hende det hamnen igin kumba ten ten goyen kurun po yawarij. Gobe Al Kurunyen alya bereya mere irde hanjen mar goya gabu yirde Al Kurun galak ire yenbe gogo tiyyin. <sup>4</sup> Irdeb det hamnen yan goyen kumba tike kaki goya Al Kurunyen alya bereya belen mere irde hanjen goya tumnan gabu hen Al Kurun hitte hurkurin. <sup>5</sup> Irke gab miyon gore det hamnen kumba ten tenje nin koron goyen tenbe alta hende kak hinhin goyen farij. Irdeb goyen ten megen timiyyin. Irkeb dagamel ten daga katen hururun ten niniya tiyyin.

### *Bigul 7 mere tiyamin*

<sup>6</sup> Be, gor matbe hanƙapya Al Kurunyen miyon 7 gore bigul 7 yawamin goyen fu yirnin tiyamin.

<sup>7</sup> Be, miyon 7 bana goyen mehenje nin gore wa bigulmin fu iryin. Irkeb kigarin bilmin hora yara goya kak dariya suluk irtinya goyen kigarin kattin yara kurun po katyin. Irkeb megen kurun gayen kurar kurar humga kurin. Humga kurin gobe megen gayen patke karwo hiyyen, irde unƙurenbe humga kuyen go gwahade hirin. Irde he megen han manan gwahade po tiyamin. Irde yamunbe tumnan humga kwamin.

<sup>8</sup> Be, go kamereb miyon 7 bana gon hoyan kura belen bigulmin fu iryin. Gwaha irkeb det kura dugu kurun kak humga kun hinhin yara goyen

makan alare timiytin kinmirin. Irkeb makan ala kurun kurhanbe dari hirin. Gobe makan ala pota yirke karwo hitin goyen unjkurenbe dari hiyyen go gwahade goyen. <sup>9</sup> Irkeb makan de nin det binfut minyan pota irde buda karwo yirtin bana gon buda unjkurenbe tumnan kamamin. Irde hakwa yago manan pota irde buda karwo yirtin bana gon buda unjkurenbe gwamun yuryen go gwahade yiryin.

<sup>10</sup> Be, go kamereb Al Kurunyen miyon 7 bana gon karwomin belen bigulmin fu iryin. Gwaha irkeb dinambe kurun milin wor po hulsi melak hen hi yara gore nan kinde mat fe karkuwanya fe muknenya hende katyin. Gobe fe karkuwanya fe muknenya gabu yirde buda karwo yirtin bana buda unjkuren go hende katyen go gwahade goyen. <sup>11</sup> Dinambe gote denembe "Urek". Dinambe gore katkeb fe buda gobe urek hamin. Irke al budam wor po fe urek hitin go nene kamamin.

<sup>12</sup> Be, go kamereb miyon 7 bana gon siptemin belen bigulmin fu iryin. Irkeb nanan dilin goyen paten karwo irke unjkurenbe det kura belen mayke aymuk iryin. Gagasiya dinambe yagoya manan gwahade po bulun hamin. Irkeb sanjinminbe sanjin hen han kanya agat urde han yen go gwahade mon, kidomak hirin. Ningeb nanan fay bana gon nanan kenkela ma temeyde hinhin, kidomak po hinhin. Wawun wor gagasiya dinam-beya kenkela ma temeyde hinhan, kidoma bulun po hinhin.

<sup>13</sup> Be, go kamereb buntulun kura nanan kota

hende hoyañ foy teñ hike kinmiriñ. Buntulun gore hokde po, “Mata kafuram wor po! Mata kafuram wor po! Al Kurunyen miyon hoyañ karwo hañ gore bigulmiñ fu yirkeb mata alya bereya megen hañ mar hitte forok yenayiñ gobe kafuram wor po!” yiriñ.

## 9

<sup>1</sup> Be, go kamereb Al Kurunyen miyon 7 bana goñ siptesoñonmiñ beler bigulmiñ fu iryiñ. Irkeb dinambe kura bikkeñ nanñinñe mat megen katyiñ goyen kinmiriñ. Dinambe gobe mete dukun wor po kimyan miñmon bana goñ kurkun kurkun yame hol ird irdde niñ ki untiñ. <sup>2</sup> Irkeb dinambe gore mete dukun wor po bana goñ kurkun kurkun yame hol iryiñ. Irkeb kaki beler kak tupi kurunñe mat kaki wañ hiyen go gwahade goyen pul yeñ wayyiñ. Mete dukun wor po bana mat kaki watiñ gore naña diliñya nanñinñya pet tike kidoma hiriñ. <sup>3</sup> Irkeb gusu budam wor po kaki bana mat megen kateñ hinhan. Gusu gobe misiñ kalpañ beler al yiser hanñen gote tareñ yara yuntiñ. <sup>4</sup> Gusu gobe yamunña busa asañyabe he yago megen hañ goyer bulun ma yirnayiñ yintiñ. Gega alya bereya Al Kurun beler kimiñde soñ ma yirtiñ mar go po ga yisinayiñ yintiñ. <sup>5</sup> Goyenpoga gusu gobe al yisike kamde kamde sañiñ ma yuntiñ. Yisike gagasi siptesoñon bana uliñ misiñ kurun po katek tareñ po yuntiñ. Uliñ misiñ bulun po katnayiñ gobe misiñ kalpañ kura gore al yisike misiñ bulun po nurde hanñen go gwahade goyer. <sup>6</sup> Gusu beler yisike gagasi siptesoñon uliñ misiñ bulun po kateñ hinayinña gobe kamde kamde niñ

wor po nurde hinayiñ gega ma kamnayiñ. Mel gobe kamtek wor po yirde hiyeñ gega, kamde kamde belen yeneñ yilwa yiryen.

<sup>7</sup> Be, gusu gobe fulenare kuñ kuñ niñ hos yara gitik yirtin yinmirin. Gusu go tonan hendebe det kura doyan al kurunyen tonanhor gol belen po yirtin goyen hor yirtin hinhan. Irde dinsokbe alyen yara yinmirin. <sup>8</sup> Irde tonan yuwalhenbe sobam bereyen yara hinhan. Irde misinbe dapna kafuram wor po kura laion gote misin yara yinmirin. <sup>9</sup> Irde dumundebe dari mala pet ten tenen niñ det ain parwek goyen yirtin. Irde foy ten kuñ hike tapen gote migirinbe kurun wor po. Migirin gobe fulenare niñ nima hos belen yulun ten hanyen budam wor po fulenare kuñ hike nana migirin kurun wor po forok yen hanyen go gwahade goyen. <sup>10</sup> Gusu buda gobe gifirin manan, irde gifirin murunde gorbe misin kalpan gote misin hinhan. Gifirin murunde gorbe al yisike gagasi siptesonon ulin misin kattek sanin minyan. <sup>11</sup> Be, gusu goyen doyan yird yird al kura hinhan. Al gobe Satanyen miyon, mete dukun bana wor po mat watin al. Denembe Hiburu mere mat Abadon, munan Grik mere matbe Apolion.\*

<sup>12</sup> Be, mata kafuram mehen de niñ wor pobe gago fole tike hubu hihi. Mata kafuram irawabe kame forok yeren tahar.

<sup>13</sup> Be, Al Kurunyen miyon 7 bana gon 6min gore bigulmin fu iryin. Irkeb Al Kurun galak ird ird alta gol belen po irde Al Kurun dilin mar hitin

---

\* **9:11:** Abadonya Apolionyat minbe gwamun yurd yurd al.



gote muruŋ sipte kurhan kurhan goŋ hirkam hinhande matbe al melak kura forok yeke nurmiriŋ. <sup>14</sup> Al melak gore miyoŋ gayamuŋ ga bigul fu iryiŋ goyen, “Satanyen miyoŋ sipte Yufretis fe bana fere yirtiŋ goyen yad siŋa yirayiŋ,” inyiŋ. <sup>15</sup> Irkeb Al Kurunyen miyoŋ gore Satanyen miyoŋ sipte fere yirtiŋ koyare hinhan goyen yad siŋa yiryiŋ. Miyoŋ sipte gobe koyare heŋ heŋbe megen niŋ alya bereya pota yirde buda karwo yirtiŋ bana goŋ buda unƙureŋ gasa yirke kamnayiŋ yeŋ nalu kirtiŋ goyen forok yekeb gogo yad siŋa yiryiŋ. <sup>16</sup> Be, fulenƙa mar hos hende kuŋ hinhan gobe 200 milion gwahade yeke nurmiriŋ.

<sup>17</sup> Be, hosya go hende kuŋ hinhan marya goyen yuwarwarte yinmiriŋbe gahade: dari mala pet teŋ teŋde niŋ det ain parwek dumuŋde yirtiŋ gobe bukkeŋhel yitiŋ, irde kurabe digulakya halkeŋya muŋ kura suluk irtiŋ, irde kurabe wul-sakkeŋ salfa hora gwahade yara yirtiŋ. Hos gote tonanbe laionyen tonan yara. Mohonde matbe kak, kakiya salfa hora uka wor po heŋ buk yitiŋya goyen waŋ hike yinmiriŋ. <sup>18</sup> Hos go mohonde mat det buluŋ karwo kak, kakiya salfa hora uka wor po heŋ buk yitiŋya gore alya bereya megen haŋ goyen budam wor po gasa yirke kamamiŋ. Kamamiŋ mar gobe megen niŋ al tumŋaŋ pota yirde buda karwo heke buda unƙureŋbe gasa yirke kamnayiŋ go gwahade goyen. <sup>19</sup> Hos gote tareŋbe mohonya gifiriŋya goyenter hinhin. Gifiriŋbe kunere yara, irde muruŋ belenbe kunere tonan miŋyaŋ ala. Gifiriŋ gore al gasa yirde dagim yaŋ yirde hinhan.

<sup>20</sup> Be, alya bereya det bulun karwo kak, kakiya salfa hora buk yitiŋ hos mohonɗe mat waŋ hinhan gore ma gasa yirke kamamiŋ mar gobe yiŋgeŋ mata bulun teŋ hitiŋ goyen yubul ma teŋ Al Kurunŋ niŋ biŋ mulgaŋ ma hamiŋ. Go mar gobe unɗura dolonŋ yird yird mataya det toneŋ gol, silwa, baras, horayab heya beŋ po yirtiŋ goyen dolonŋ yird yird mataya goyen bada ma hamiŋ. Det toneŋ gobe epte ma nanɗkennayiŋ, mere ma nurnayiŋ, irde kuŋ waŋ ma tinayiŋ gega, Al Kurunŋniŋ yeŋ nurde dolonŋ yirde hanɗen. <sup>21</sup> Irde al gasa yirke kamde kamde mata, merebal kurayen kurayen, leplep matayabe kawɗe mataya teŋ haŋ goke Al Kurunŋ pohogay irde yeŋ ge biŋ mulgaŋ ma hamiŋ.

## 10

### *Al Kurunɗen miyoŋ kuraya asaŋ bili irtiŋ dirɗeŋ kura goya*

<sup>1</sup> Be, go kamereb Al Kurunɗen miyoŋ hoyan kura tareŋmiŋ kurunŋ wor po gore Al Kurunɗen gasunɗe mat megen kateŋ hike kinmiriŋ. Yeŋbe kigariŋkiŋ faykek wor po beŋ aw urtiŋ, irde gamatsawbe tonanŋ hende hinhin. Tonanŋ hende hinhin goyenbe tonanŋ sisanŋ ma urde hinhin. Kimiŋbe naŋa timiytiŋ yara agat urde hinhin. Irde kahaŋbe hora beŋ po tola yirtiŋ humga kuŋ buk yeŋ hanɗen go gwahade hinhin. <sup>2</sup> Haniŋdebe asaŋ sobam bili irtiŋ dirɗeŋ kura goyen dig-iltiŋ hinhin. Irde kahaŋ yasebe makaŋ alare huwardeb kahaŋ tapabe siŋa fudiŋde huwariŋ. <sup>3</sup> Irdeb laion beŋ mere kurunŋ po teŋ hanɗen

yara kuware wor po mere tiyyin. Gwaha tike gab daga 7 mere tiyamin. <sup>4</sup> Daga 7 mere tikeb ne belen meremin goyen asanɗe kayen timirin. Gega al melak kura forok yenɗe, “Daga 7 mere tahaɗ goyen goya ma kayayin, mere gobe banare po hinayin,” ninyin.

<sup>5</sup> Be, Al Kurunyen miyon makaɗ alareya megenya huwarde hike kinmirin gore Al Kurun palap ire yen hanin yase isan hiri. <sup>6</sup> Irdeb Al Kurun deɗe urdeb biɗa sanin po tiyyin. Al Kurun, huginɗen hiyen al, nanɗin, megen, makaɗyabe det kurun gayen yirin al gote deɗe urde biɗa tenyabe, “Al Kurun belen dufaymin bikken kiryin gote iginenɗe heɗ ga moɗ forok yiyyen. Nalu singir singir ma iryen! <sup>7</sup> Goyenpoga Al Kurunɗe mere basan marmiri yinin gwahade goyen po, miyonmin 7 bigul yawaramin bana goɗ funamin belen bigulmin fu irke gab Al Kurun belen dufaymin kiryin banare hitin gote iginen kawan forok iryen,” yirin.

<sup>8</sup> Irkeb al melak kura nanɗinde mat hanɗapya nurmirin gore sopte po gahade ninyin: “Al Kurunyen miyon makaɗya megenya hende huwarde hi gote haninde asan digiltin hi goyen kuɗ tawa,” ninyin.

<sup>9</sup> Irkeb nebe Al Kurunyen miyon go hitte kuɗɗe asan goyen nuni yen gusunan irmirin. Irkeb miyon goreb, “Asan ga ten nawa. Gabe mo-hongerbe yalanɗu finin hapek yan go gwahade nurayin gega, bege bana kurkuɗɗe beger tigiri tiyyen,” ninyin. <sup>10</sup> Irkeb asan dirɗen goyen Al Kurunyen miyon gote haninde mat tenɗe nimirin.

Teŋ nemeke mohoŋnerbe yalanġu fiminġ yara hapek yaŋ nurmirinġ gega, nukuluk urmekeb kurkuŋ benerbe tigiri tiyyinġ. <sup>11</sup> Gwaha timekeb al melak gore, “Gebe alya bereya, naŋa karkuwaŋ, merem hoyanġ hoyanġ, irde megen ninġ doyaŋ mar karkuwaŋbe kame dahade hinayaŋ goke Al Kurunġyen mere basaŋ heŋ tagalayinġ,” ninyinġ.

## 11

### *Al Kurunġ ninġ tagal tagal al irawa*

<sup>1</sup> Be, go kamereb det kurayen kurayen karkuwaŋminġ dahade goyen tuŋaŋ teŋ teŋde ninġ kutum kura nunenġbe gaha ninyinġ: “Kuŋ Al Kurunġyen ya balemya Al Kurunġ galak ird ird altaya gote kurunġminġ tuŋaŋ tiyayaŋ. Irde ya balem bana goŋ Al Kurunġ dolonġ irde haŋ mar goyen kapyanġ hawayinġ. <sup>2</sup> Goyenpoga Al Kurunġyen ya balem koya kirtinġ bana goyen siŋak belenġ matbe sawsawa kura gabu ird ird gasuŋ hi gobe tuŋaŋ ma tiyayaŋ. Gasuŋ gobe al minġ hoyanġ Yuda mar moŋ goyen waŋ gabu irde hanġyen gasuŋ geb gago dinenġ hime. Go mar gore gagasi 42 gayen Yerusalem taun Al Kurunġ dilinġde wukkenġ kenenġ hiyen goyen ufurka teŋ buluŋ buluŋ irnayaŋ. <sup>3</sup> Nebe ne ninġ teŋ tagalde hiriryenġ al irawa kura saŋiŋne yunenġbe yad yermeke wayiryenġ. Waŋbe amil kerkek hor irdeb merene basaŋ heŋ naŋa fay 1,260 gwahade goyen tagalde hiriryenġ” ninyinġ.

<sup>4</sup> Be, Al Kurunġ ninġ mere teŋ teŋ al irawa gobe olip he irawaya hulsi irawaya Doyaŋ Al Kurunġ dilinġ mar huwarde haryen go goyen. Doyaŋ

Al Kurun̄ gobe alya bereya megen hañ kurun̄ gate Kurun̄miñ. <sup>5</sup> Al irawa goyen al kura beļeñ bulun̄ yirniñ yeñ tun̄añ yurnayiñbe al irawa gote moħon̄de mat kak forok yeñ asogom mugol kiryeñ. Al kura irem go bulun̄ yirniñ yeñ tun̄añ yurnayiñ marbe gwaha mat kamnayiñ. <sup>6</sup> Irem gobe Al Kurun̄yen mere basañ heñ tagalde hen̄ya kigariñ goya kateñ ma yeñ nan̄kiñ pet teñ teñ tareñ miñyañ. Irde fe kurun̄ gayen yigiri tike dari hetek sañiñ wor go miñyañ. Irde mata kafuram al bulun̄ yirtek goyen kurayen kurayen forok yirde alya bereya megen hañ gayen igiñ gwamuñ yurtek tareñ wor go miñyañ. Irem gobe gwaha yirye yeñbe igiñ gwahade po yirtek sañiñ miñyañ hinaryum.

<sup>7</sup> Be, irem go Al Kurun̄yen mere tagalde pasi hekeb dap̄ña kafuram kura mete dukun̄ wor po kimyañ miñmoñ bana goñ mat watiñ gore irem goya arnayiñ. Irde irem go fole yirde gasa yirke kamiryen̄. <sup>8</sup> Irkeb irem go kamtiñ hakwambe taun kurun̄ Yerusalem bana goñ niñ beļeñ kurun̄de gor yubul tike hiriryen̄. Taun gokeb Sodom yara ma Isip yara yeñ hanyen̄ gogo. Taun goyenterbe bikken̄ al irawa gote Doyan̄ Al Kurun̄ wor mayke kamiñ. <sup>9</sup> Irkeb naña karkuwan̄ karkuwan̄, al miñ kurayen kurayen, meremiñ kurayen kurayen, irde sikken̄ um̄ña kurayen kurayen niñ alya bereya beļeñ irem gote uliñ hakwam wawun̄ karwoya naña fay sipteya goyen belen̄ yubul titiñ yennayiñ. Irde hakwam goyen mete teñ teñ niñ piñeñ henayiñ. <sup>10</sup> Megen hañ marbe tum̄ñañ irem go kamke ayañ yerdeb

detmiɲ yinɲen uliɲ muruɲgem moɲ duliɲ kadom gunenɲ tinayinɲ. Al Kurunɲen mere basanɲ mar irawa gore megen niɲ mar kanduk kurunɲ forok ird yunke biɲ misiɲ nurde hinayinɲ geb, irem go kamkeb gogo amanɲ henayinɲ.

<sup>11</sup> Be, nanaɲ fay sipteminɲde nanɲkahal hekeb al yisanɲ heɲ heɲ meɲe Al Kurunɲ hitte mat katenɲ irem go biɲde hurkukeb sopte gerenɲ heɲ huwararyum. Irkeb alya bereya tumɲanɲ irem go yenenɲbe kafura wor po haminɲ. <sup>12</sup> Irkeb al melak kura kurunɲ wor po nanɲkinɲde mat, “Hende gar wayyi” yeke Al Kurunɲen mere basanɲ mar irawa gobe nuraryum. Nurdeb asogom belenɲ yenenɲ hikeya Al Kurunɲen gasunde kigarinɲkinɲ faykek hende hurkaryum. <sup>13</sup> Goya goyenbe nininɲa kurunɲ wor po forok yirinɲ. Irkeb Yerusalem taun go bulunɲ hiriɲ. Bulunɲ hiriɲ gobe taun goyen walka tenɲ 10 irde unɲkurenɲbe bulunɲ hiriɲ go gwahade goyen. Bulunɲ hiriɲ bana gonɲbe 7,000 alya bereya kamaminɲ. Go ma kamaminɲ marbe kafura wor po heɲ Al Kurunɲ tarenɲmiɲ kurunɲ wor po goyen denem turɲunɲ yanɲ iraminɲ.

<sup>14</sup> Be, mata kafuram kahalte ninɲbe gogo hubu hiriɲ. Gega mata kafuram hoyanɲ funanɲ karwominɲbe heɲ ga ma wayenɲ tiya!

<sup>15</sup> Be, Al Kurunɲen miyonɲ 7 bigul yawaraminɲ bana gonɲ miyonɲ funanɲ belenɲ bigulmiɲ fu iryinɲ. Irkeb al melak budam kurunɲ wor po nanɲkinɲde mat forok yenɲbe, “Gayenter alya bereya megen hanɲ kurunɲ gayen doyanɲ yird yird sanɲinɲbe Doyanɲ Al Kurunɲya yenɲ belenɲ basinɲa irtinɲ al Mesaiayat haniɲde hi. Yenɲ belenɲ gwahader doyanɲ yirde

hiyen!” yamin. <sup>16</sup> Irkeb Al Kurunyen alya bereyat doyan marte parguwak 24, Al Kurun dilin mar keperde hinhan gore wulgurut yen kiminbe megen yirde Al Kurun doloŋ iramin. <sup>17</sup> Gwaha irde hejyabe,

“Doyan Al Kurun, gebe Al Kurun, tareŋge kurun wor po.

Gebe bikken hinhan, gayenter wor ha.

Gebe saŋinŋe kurun goyen teŋ alya bereya doyan yird yird meten miŋ urarin.

Ninŋeb goke iŋin wor po nurd gunen hite.

<sup>18</sup> Ge ma nurd gunen haŋ mar belen ge niŋ bin ar yen hinhan.

Gega bege ar yetek nalube gago forok yihi.

Al kamtiŋ merere huwartek nalube gago forok yihi.

Meten marge, merege basan heŋ heŋ mar, alya bereyage, irde palap girde haŋ mar tumŋan mataminŋ gote murunŋem yunen yunen nalube gago forok yihi.

Al denem yan ma al denem moŋ goyen tumŋan murunŋem yunen yunen nalube gago forok yihi.

Alya bereya megen haŋ kurun gayen bulun yiramin mar goyen mugol kertek nalube gago forok yihi!” yamin.

<sup>19</sup> Be, Al Kurunyen ya balem gasunminde hi gote yame fegelke hol yirin. Irkeb bana goŋbe Al Kurunyen Biŋa teŋ teŋ Bokis hike kinmirin. Irkeb dagamel teŋ daga katen hururun teŋ hinhin. Irde ninina forok yeke kigarin hora yara hitin goyen kurun po katyin.

## 12

### *Bereya asogomiŋ deregonya*

<sup>1</sup> Be, gwaha tikeb mata tijeŋ kura matamneŋ nanŋiŋde forok yiriŋ. Mata gobe gahade: bere kura naŋa diliŋ teŋ amil hor irtiŋ yara irde gagasi hende huwartiŋ hinhin. Irde dinambe 12 belen doyaŋ alyen tonanhor irtiŋ goyen teŋ tonanđe hor irtiŋ hinhin. <sup>2</sup> Bere gobe biŋ miŋyaŋ, irde diriŋ kawaŋ kere yeŋ uliŋ misiŋ kurun kateŋ eseŋ hinhin. <sup>3</sup> Irkeb nanŋiŋde mata hoyan kura forok yiriŋ. Mata gobe gahade: deregon kurun miliŋ wor po sikkenbe bukken, irde tonan 7 miŋyaŋ goyen forok yiriŋ. Tonan 7 gobe doyaŋ al karkuwanđe tonanhor 7 goyen tonan 7yan goyaŋ yirtiŋ ala hinhan. Deregon gobe hirkam 10 miŋyaŋ. <sup>4</sup> Deregon gobe siŋgili teŋ naŋa kor irtiŋ yara gifiriŋ temeyde dinambe kwer yurke budam wor po wok yeŋ megen katamiŋ. Dinambe katamiŋ gobe nanŋiŋde dinambe kurun goyen tumnan buda karwo yirde unjkurenbe wok yeŋ katnayiŋ go gwahade goyen tiyamiŋ. Be, deregon gobe bere gore diriŋ kawaŋ kerkeb goyare po diriŋ go neweŋ yeŋ bere go diriŋ kawaŋ kereŋ teŋ hinhin gote kimiŋ mat pet teŋ hinhin. <sup>5</sup> Be, bere goyen diriŋ al diriŋ kawaŋ kiryiŋ. Diriŋ gobe doyaŋ alyen kutum ain belen po irtiŋ goyen tanarde naŋa karkuwan karkuwan tumnan doyaŋ yiryen albe gogo. Niŋgeb deregon gore diriŋ go niyyenkek yeŋbe bere gote diriŋ goyen araŋ po teŋ Doyaŋ Al Kurunyen keperd keperd gasuŋ Al Kurun keperde hinhide gor tukuke gor hinhin. <sup>6</sup> Be, bere gobe busahardeb



sawsawa po kurunɓa naɓa bana goɗ gasunɓa kura Al Kurunɓa belenɓa bere goke tenɓa gitik irtinɓa gor kurinɓa. Gasunɓa gobe Al Kurunɓa belenɓa bere goyen naɓa fay 1,260 gahade doyanɓa irde paka irenɓa yenɓa bikken gitik iryinɓa go goyen.

<sup>7</sup> Be, Al Kurunɓa gasunɓa fulenɓa kurunɓa forok yirinɓa. Al Kurunɓa miyonɓa doyanɓa alminɓa Maikelya belenɓa deregon goya yende miyonɓinɓa araminɓa. <sup>8</sup> Goyenpoga deregon gobe Al Kurunɓa miyonɓa epte fole yirtek tarenɓa minɓonɓa geb, deregon goya miyonɓinɓa Al Kurunɓa gasunɓa mat yakira tikeb gasunɓa minɓonɓa haminɓa. <sup>9</sup> Be, deregon gobe takira tikeb megen katyinɓa. Deregon gobe kunere bikkenɓa hinɓin go goyen. Gobe denɓem kurabe Unɓura, kurabe Satan inenɓa hanɓen. Yenɓa belenɓa alya bereya megen hanɓa kurunɓa gayen usi yirke mata bulunɓa katenɓa hanɓen. Deregon go temeyke megen katyinɓa miyonɓinɓa yago mananɓa tumɓanɓa kataminɓa.

<sup>10</sup> Be, go kamereb al melak kurunɓa wor po nanɓinɓa mat forok yeke nurmirinɓa. Merebe gahade: “Kadninɓa merem yanɓa yird yird al gobe gogo takira tike megen kata. Huginɓa wawunɓa nanɓahalya Al Kurunɓa hitte kadninɓa merem yanɓa yirde hiyen al gobe tenɓa temeyke megen kata. Ninɓa gayenterbe Al Kurunɓa belenɓa alya bereya yumulɓanɓa tiyenɓa. Al tumɓanɓa yende tarenɓa bana hinayinɓa. Yenɓa belenɓa doyanɓa yird yird nalube gago forok yihi. Mesaia Al Kurunɓa belenɓa basinɓa iryinɓa al gote sanɓinɓa mananɓa forok yihi. <sup>11</sup> Mel gobe Sipsip dirnenɓa gore darim wok irde kaminɓa go hende huwarde al bulunɓa go fole irtinɓa. Irde

mere fudinde po kawan tagaldeb al bulun go fole irtin. Ningeb mel gobe mudunke kamnin wor igin ala yen nurde ga hinhan. <sup>12</sup> Ningeb den Al Kurunyen gasunde han mar tumnan aman henayin. Goyenpoga den megenya makanjabe Satan den hitte kurka geb, goke kafuram wor po nurde dunhem. Yenbe nalu ulyande ma hiyen goyen nurde hi geb, goke bin ar wor po yen hi,” yirin.

<sup>13</sup> Be, deregon go Al Kurunyen gasunde mat ten temeyke megen katyin goyen bebak tiyyin. Irdeb dirin al dirin kawan kiryin bere goyen bulun bulun ire yen nankenen kun hinhin. <sup>14</sup> Bere gobe sawsawa po kurun nanba bana gon gasun kura Al Kurun belen gitik irde untinde gor foy ten kun kun nin buntulun kurun wor po gote tapen irawa untin. Gasun gobe bere goyen gor dama karwo irde gagasi 6 gayen gor po hike deregon gore epte ma bere goyen bulun iryen yen Al Kurun belen gitik iryin go goyen. <sup>15</sup> Be, deregon goyen po goyenbe kunere kurun gogo. Goreb bere goyen figilu tiwi yen mohanje mat fe kurun wor po fur tiyyin. <sup>16</sup> Gega megen belen bere go faran urde mohan an irde fe fur tiyyin kurun goyen nen pasi hirin. <sup>17</sup> Irkeb deregon gobe bin ar wor po yeke bere gote dirinmin yago go ma kamamin megen han goya arnin yen kurin. Go mar gobe Al Kurunyen saba gama irde Yesu nin yitin mere fudinde goyen kawan po tagalde hanjen mar go goyen. <sup>18</sup> Be, deregon gobe makan ferende huwaryin.

# 13

## *Dapɓa kafuram kura irawa forok yaryum*

<sup>1</sup> Be, yeɗ gor huwarde hike dapɓa duwi kafuram wor po kura makan alare mat forok yeke kinmiriɗ. Dapɓa gobe hirkam 10 miɗyaɗ, irde tonanɓe 7 miɗyaɗ. Hirkam go hendebe doyaɗ alyen tonanɓhor hor yirtiɗ ala hinhan. Irde tonanɗ 7 go hendebe Al Kurunɗ sukal irtiɗ deɗe goyaɗ katiɗ ala hinhan. <sup>2</sup> Dapɓa duwi kafuram gobe dapɓa kura lepat ineyɗ hanyen goyen yara kinmiriɗ. Goyenbe kahanɓe dapɓa kura bea ineyɗ hanyen gote kahanɗ yara, irde mohonɓe laion mohonɗ yara kinmiriɗ. Be, deregon gore dapɓa kafuram goyen sanɗiɗ miɗ unyiɗ. Irdeb deɗe kurunɗ uneyɓe doyaɗ al kurunɗ iryiɗ. <sup>3</sup> Goyenbe dapɓa duwi kafuram gote tonanɗ 7 goyen unɗkurenɗ kurabe kamtek ge mayamiɗ gega, geren hitiɗ goyen kinmiriɗ. Alya bereya megen hanɗ kurunɗ gore keneɗbe tonɗenɗ yaɗ wor po yeɗ nurd uneyɓe gama iramiɗ. <sup>4</sup> Albe deregon gore dapɓa duwi kafuram goyen doyaɗ al iryiɗ goke deregon goyen doloɗ iramiɗ. Irde dapɓa duwi kafuram goyen wor doloɗ irdeb, “Ganunɗ al beleɗ epte dapɓa duwi kafuram gahade hiyyeyɗ? Irde ganunɗ al beleɗ epte yeyɗa ariryeyɗ? Hubu wor po!” yamiɗ.

<sup>5</sup> Be, dapɓa duwi kafuram gobe yiɗgenɗ ge turunɗ turunɗ tenɗ, Al Kurunɗ sukal ird ird tareɗ untiɗ. Irde doyaɗ al heɗ dama karwoya gagasi 6ya gayen meteyɗ tenɗ tenɗ sanɗiɗ untiɗ. <sup>6</sup> Irkeb dapɓa duwi kafuram gore mohonɗ anɗ irde Al Kurunɗ mere bulunɗ mat irde Al Kurunɗyen deɗemya gasunɗ miɗya

irde gasunminɓi bana haɗ marya goyen nanyan yirɓin. <sup>7</sup> Yenbe Al Kurunyen alya bereya goya arde fole yirtek sanɓin unɓin. Irde alya bereya min kurayen kurayen, sikken umɓa kurayen kurayen, mereminɓi kurayen kurayen, irde naɗa karkuwanɓi karkuwanɓi kurunɓi goyen doyanɓi yird yird taren unɓin. <sup>8</sup> Irkeb alya bereya megen haɗ kurunɓi gore dapɗa duwi kafuram goyen dolonɓi irnayanɓi. Go mar gote deɗembe tumɓanɓi Al Kurunya huginɓi hitek marte deɗem nanɓinɓi megenɓi ma forok yekeya katinɓi asanɓi goyen bana ma haɗ. Asanɓi gobe al belenɓi mayke kamyinɓi al Sipsip dirɓenɓi gote asanɓi.

<sup>9</sup> Niɗgeb al kirminɓi yanbe merene gayen nurde bebak tinayanɓi. <sup>10</sup> Al kura fere tenɓi koyare yerke hinayanɓi yenɓi Al Kurunɓi belenɓi dufayminɓi kirtinɓi marbe koyare hinayanɓi. Munanɓi al kura fulenɓe ninɓi bidilare gasa yirke kamnayanɓi yenɓi Al Kurunɓi belenɓi dufayminɓi kirtinɓi marbe gwaha mat po kamnayanɓi. Niɗgeb Al Kurunyen alya bereyabe kanduk forok yenayanɓi kurunɓi goyen goke mukku ma tenɓi taren po henɓi henɓi ge pinɓi ma henɓi hinayanɓi. Irde Al Kurunɓi ninɓi hekenɓi nurtinɓi goyen sanɓinɓi po tanarde hinayanɓi.

*Dapɗa duwi kafuram hoyanɓi kura forok yirinɓi*

<sup>11</sup> Be, alya bereya megen haɗ gore dapɗa duwi kafuram goyen dolonɓi irde haɗ goyen kinmirinɓi go kamereb dapɗa duwi kafuram hoyanɓi kura wor megenɓi bana mat forok yeke kinmirinɓi. Yenbe sipsip dirɓenɓi yara hirkam irawa minyanɓi hinhinɓi. Mereminɓe deregonyen mere yara tiyyinɓi. <sup>12</sup> Yenbe yinɓenɓi ge tenɓi dapɗa duwi kafuram mehenɗe watinɓi gore sanɓinɓi tirinɓi

goyen tenbe meten tiyyin. Irdeb megenya alya bereya megen han goyen yinkeb dapna duwi kafuram mehenđe nin goyen dolon iramin. Dapna kafuram mehenđe nin gobe bikken kamtek ge maytin gega geren hirin go goyen. <sup>13</sup> Dapna kafuram kame wayyin gobe mata tinen turun yan wor po forok yirinin. Kurabe al belen dilinde kawan po kenen hikeya yen belen irke nankinde mat kak megen katyin. <sup>14</sup> Yenbe dapna kadom mehenđe wayyin gote dilin mar mata tinen turun yan forok yirdeb go hende huwarde alya bereya megen han kurun gayen usi yirinin. Irde dapna duwi kadom kafuram fulenare nin bidilare dagim yan irtin gega go ma kamiyin goyen turun ird ird ninbe dapna gote tonein irnan yinin. <sup>15</sup> Yenbe dapna duwi kadom kafuram mehenđe wayyin gote tonein irtin goyen binfut minyan ird ird sanin untin hinhin. Gwaha irkeb tonein irtin gore binfut irde mere tiyyin. Gobe alya bereya det goyen dolon ird ird nin igin ma nurde dolon ma iramin mar goyen tumnan gasa yirke kamnayan yenbe gogo menemin fu iryin. <sup>16</sup> Irde dapna duwi kafuram kame wayyin gobe al tumnan Satanyen alya bereya hitin gote hanin yasere wet ma kiminde wet son yird yird nin wor pakku yirinin. Al denem mon, al denem yan, horam yan mar, al siksuknen, irde al kurate meten marya yingende dufayde meten ten han marya tumnan hanin yase ma kiminde son yird yird nin pakku yirinin. <sup>17</sup> Gogab al kura haninde ma kiminde son yirtin goyen hubu kenem epte ma det damu tinayin, irde epte ma det yunke al

hoyan beley damu tinayin. Al haniy yasere kurab kimiñde soñ yird yird gobe dapña duwi kafuram gote denem, kurabe denem gote namba.

<sup>18</sup> Niñgeb albe mata goyen keneñ igin bebak titek dufay wukken go miñyan ala hinayin. Al kura kenkela bebak teñ teñ tareñ miñyan al gobe tubul tike dapña duwi kafuram gote namba gote miñ bebak tinayin. Namba gobe al unñkuren kura gote namba. Nambamiñbe 666.

## 14

### *Sipsip al dirin dirinnya al 144,000ya*

<sup>1</sup> Be, go kamereb Sipsip dirin beley Saion dondonde huwarde hinhin goyen kinmirin. Yenbe alya bereya 144,000 gote kimiñdebe Sipsip dirin gote denemya Naniñde denemya katin mar goya dugure gor huwarde hinhan. <sup>2</sup> Irkeb migirin kurun kura nanñin mat forok yeke nurmirin. Migirin gobe fe hamulare solok yen migirin kurun teñ hiyen go gwahade goyen, irde daga katen hiyen go gwahade yara nurmirin. Gega migirin gobe kirminner igin wor po nurmirin. Tikin hen hen de nin det kura hap inen hanjen goyen kari yirde hike tikin forok yen hiyen gwahade yara nurmirin. <sup>3</sup> Hap goyen kari yiramın mar gore Doyan Al Kurunyen keperd keperd gasunya det binfut miñyan sipte goya Al Kurunyen alya bereyat doyan marte parguwakya gote dilin mar huwarde tikin gergen kura hamin. Tikin gobe Sipsip dirinnya hinhan mar 144,000 yen beley megen mat yumulgan titin gore po gab tikin go tunan urde tikin hetek hinhan. Al

hoyanbe epte ma gwaha titek hinhan. <sup>4</sup> Mel gobe bere hoyanya ma firtin gwahade goyen po, det toneŋ al beley yirtin goyen dolon ma yirde Al Kurun dilinge wukken hitin mar go goyen. Go mar gobe Sipsip dirnen goyen huginen gama irde han. Yenbe megen han mar go bana gon mat basina yirde det damu titin yara Yesu darim wok irde kamyin gore yumulgan titin. Irdeb meten gergende nin bingge mehende yawartin goyen Al Kurun galak irde han yen yara mel goyen Al Kurunya Sipsip dirnenya hitte galak yirtin. <sup>5</sup> Mel gobe usi mere kura ma titin, irde ulinde mere minmon hinhan.

*Al Kurunyen miyon karwo beley mere tagalamin*

<sup>6</sup> Be, go kamereb Al Kurunyen miyon hoyan kura nana kota foy ten hike kinmirin. Yenbe megen han mar hitte Yesu nin yitin mere gwahader hitin goyen momon yirtek minyan hinhin. Yen beley nana karkuwan karkuwan, al min kurayen kurayen, meremin kurayen kurayen, irde al sikken kurayen kurayen goyen momon yirtek mere igin minyan hinhin. <sup>7</sup> Be, miyon gore kuware po, “Al Kurun beley alya bereya tumnan merere yertek nalu binde hihi geb, kafura irde denem turnun yan irnayin. Nan kin, megen, makanyabe fe dilinga forok yiryin al goyen dolon irnayin,” yirin.

<sup>8</sup> Be, gwaha yekeb Al Kurunyen miyon hoyan beley kadam go gama irdeb, “Babilon taun kurun wor po gobe gwamuŋ urtin! Bulun wor po hitin! Babilon gore alya bereya nana karkuwan

karkuwan bana han mar goyen nene kukuwa wor po hetek wain yuni. Wain gobe leplep matamin go goyen,” yiri.

<sup>9</sup> Be, gwaha yekeb Al Kurunyen miyon hoyan kura gore kadam irawa goyen gama irde kuware po gaha yiri: “Al kura dapna duwi kafuramya gote tone irin goya goyen dolon yirde kiminde ma haninde dapna duwi gore nere yen basina yirde denem son yirin marbe <sup>10</sup> wain sanin wor po nene garbam bulun po hen hanen yara Al Kurunyen bearar kurun po kennayin. Go mar goyen hittebe Al Kurunyen beararin kurun wor po fe wogotin yara irde yunen. Irkeb go mar gobe Al Kurunyen miyon yago wukken wor poya Sipsip dirnena din mar hen salfa hora humga kun hi gore yisike ulin misin kurun wor po katen hinayin. <sup>11</sup> Go mar go kuma yirde hiyen kak gote kakimbe gwahader wan hurkun hiyen. Ningeb al kura dapna duwi kafuramya gote tone irin goya goyen dolon yirde han mar, irde haninde ma kiminde dapna gote denem son yirin marbe usanen mon wawunya nan kahalya huginen ulin misin katen hinayin,” yiri. <sup>12</sup> Ningeb Al Kurunyen alya bereya sabamin gama irde Yesu nin heken nurd nurd mata ma tubul titin maryabe kanduk budam yenen goke mukku ma ten taren po hen hen ge pinen ma hen hinayin.

<sup>13</sup> Be, Al Kurunyen miyon karwo gore mere tiyamin go kamereb al melak kura nan kinde mat gaha yiri: “‘Gayenter mat al kura Doyan Al Kurun nin ten kamnayin marbe Al Kurun belen guram yirde sanin yiren,’ gwahade kaya,” yiri.



Irkeb Holi Spirit belenbe, “Fudinde, mel gore Al Kurun niŋ meten tahan gote iginenbe kawan forok yenayin geb, mel gobe meten taren po ten hitin goyen yubul ten usan hen hinayin,” yirin.

*Megen binge ep hitin yad yad nalu forok yirin*

<sup>14</sup> Be, go kamereb delne mar kigarinƙin faykek wor po forok yeke kinmirin. Kigarinƙin go hende al kura Al Urmin yara goyen keperde hinhin. Tonanbebe doyan al kurunyen tonanhor gol belen po irtin goyen hor irtin, irde wit sak yeke walde walde bidila goyen haniŋde hike kinmirin. <sup>15</sup> Be, Al Kurunyen miyon hoyan kura belen Al Kurunyen ya balem bana mat sinare katen kuware po kigarinƙin faykek hende kipirtin hinhin al goyen inyin. “Wit sak yen yen nalu forok yeke bidila ten walde yad buda yirde hanyen yara, megen niŋ mar yad yad nalube gago forok yihi geb, alya bereya ge belen yawartekbe yawara,” inyin. <sup>16</sup> Gwaha inkeb kigarinƙin faykek hende keperde hinhin al gore bidilamin temeyde walyin. Alya bereya megen han goyen yawaryin.

<sup>17</sup> Be, go kamereb Al Kurunyen miyon hoyan kura Al Kurunyen gasunminde niŋ ya balem bana mat sinare katyin. Yen wor bidila yaltin kura haniŋde manan katyin. <sup>18</sup> Irkeb Al Kurunyen miyon hoyan kura sopte Al Kurunyen ya balem bana kak doyan irde hiyen gore Al Kurun galak ird ird altare mat wanbe bidila go tanarde hinhin miyon goyen kuware po inyin. “Wain iginenbe fin hahan geb, bidilage misin yan go ten megen niŋ wain metenƙe gor kurkun wain iginen walde yawara,” inyin. <sup>19</sup> Irkeb miyon gore bidilamin

goyen temeyde wain iginenɓe beɓekde walde yade wain gilyanɓe heɓ heɓ gasuɓde yiryinɓe. Wain gilyanɓe heɓ heɓ gasuɓ gobe Al Kurunyen bearar go goyen. <sup>20</sup> Niɓgeɓ wain iginenɓe gilyanɓe heɓ heɓ gasuɓ taun siɓare hiyen goyenter yukuɓ gilyanɓe hitinɓe yara Al Kurunɓe ma nurd unenɓe haɓ mar go gilyanɓe heɓ heɓ gasuɓde gor yerde karka tikeɓ darimbe figilu yara kateɓ 300 kilomita gisaw wor po kutinɓe. Dari beleɓ figilu yara hitinɓe gote dukunminɓe tunanɓe megen mat hurkuɓ hos gote pukiɓ al keperde hanɓende go gwahader hirinɓe.

## 15

### *Al Kurunyen miyonɓe 7 beleɓ mata kafuram 7 forok yiramɓe*

<sup>1</sup> Be, go kamereɓ mata turɓunɓe yaɓ wor po hoyan kura nanɓinɓe forok yeke kinmirinɓe. Mata gobe gahade: Al Kurunyen miyonɓe 7 beleɓ mata 7 kafuram wor po tiyamɓe. Mata kafuram gabe Al Kurunyen bearar funanɓe wor po goyen forok yetekbe gago. <sup>2</sup> Be, go kamereɓ makanɓe ala galas beleɓ po irtinɓe goya kakya suluk yirtinɓe goyen kinmirinɓe. Irde al kura dapɓa duwi kafuramya gote toneɓ irtinɓe goyabe deɓemde namba 666ya goyen fole yirtinɓe marbe makanɓe siɓare huwarde hike yinmirinɓe. Mel gobe tikiɓde niɓ det hap inenɓe hanɓen Al Kurunɓe beleɓ yuntinɓe goyen yanartinɓe hinhan. <sup>3</sup> Irdeb Al Kurunyen metenɓe al Mose beleɓ tikiɓ hitinɓe goyen haminɓe. Sipsip dirɓenɓe goke tikiɓ hitinɓe goyen mananɓe haminɓe. Tikiɓ bilminɓe gobe gahade:

“Al Kurun, gebe Doyan Al Kurun, tareŋge kurun wor po.

Metenŋebe kurun wor po, irde turun yan wor po!

Doyan Al Kurun, gebe gwahader hitin.

Matagebe fudinde, irde huwak wor po.

<sup>4</sup> Doyan Al Kurun, ganun al beŋen kafura ma girnayan?

Ganun al beŋen denŋe turun yan ma girnayan?

Ge po ga wukken wor po.

Matage huwak goyen alya bereya nana karkuwan karkuwan bana han mar goyen tunnan kennayan geb,

ge hitte po wan dolon girnayan,” yamin.

<sup>5</sup> Be, go kamereb Al Kurunyen gasunde nin ya balem bana gon gasun himam goyen yamemin kawan po hol yeke kinmirin. <sup>6</sup> Be, ya balem bana gon mat Al Kurunyen miyon <sup>7</sup> gore mata <sup>7</sup> kafuram wor po goyen forok yirin yey sinare katamin. Miyon gobe amil sobam faykek wor po milmulken goyen hor yirtin hinhan. Irde gol beŋen po kan yara irtin goyen dumunde bili irtin hinhan. <sup>7</sup> Be, det binfut minyan sipte Doyan Al Kurunyen keperd keperd gasun milgu irtin hinhan goyen unkuwen kura beŋen kuwe gol beŋen po yirtin <sup>7</sup> goyen Al Kurunyen miyon <sup>7</sup> go yunyan. Kuwe <sup>7</sup> bana gonbe gwahader hiyen al Al Kurun gote bearamin fe makin yirtin yara hinhan.

<sup>8</sup> Irke Al Kurunyen ya balem bana gonbe Al Kurunyen denem turun yan wor poya saninmin kurun wor poya goyen kawan forok yird yird kaki beŋen makin hirin. Irkeb al kura epte ma

ya bana goṅ hurkutek hiriṅ. Ya balem bana goṅbe Al Kurunyen miyoṅ 7 gore mata kafuram 7 forok yirtek goyen hubu heṅ pasi yirke gab igiṅ hurkutek hiriṅ.

## 16

### *Al Kurunyen bearar gote kuwe 7*

<sup>1</sup> Be, go kamereb al melak kura Al Kurunyen ya balem bana goṅ mat kuware po Al Kurunyen miyoṅ 7 goyen yinke nurmiriṅ. Meremiṅbe gahade: “Kunaṅ. Kuṅ Al Kurunyen bearar kuwe 7 bana haṅ goyen megen wogornaṅ,” yinyiṅ.

<sup>2</sup> Be, gwaha yinkeb miyoṅ meheṅde niṅ gore kuṅ kuwemiṅ goyen megen wogoryiṅ. Irkeb usu yeneṅmiṅ kafurama miṣiṅmiṅ buluṅ wor poya goyen dapṅa duwi kafuram gote deṅe uliṅde soṅ yirtiṅ marya dapṅa gote toneṅ doloṅ irde hanṅen marya gote uliṅde forok yamiṅ.

<sup>3</sup> Be, Al Kurunyen miyoṅ 7 goyen irawamiṅ beṅ kuwemiṅ makaṅ alare wogoryiṅ. Wogorkeb makaṅbe al kamtiṅde dari yara hiriṅ. Irkeb makaṅde niṅ dapṅa tumṅaṅ kamamiṅ.

<sup>4</sup> Be, Al Kurunyen miyoṅ 7 goyen karwomiṅ beṅ fe karkuwanṅanya fe diliṅnyaṅ kuwemiṅ wogorke dari po hiriṅ. <sup>5</sup> Yeṅ beṅ gwaha tikeb Al Kurunyen miyoṅ kura fe doyaṅ yirde hiyen goreb gaha yeke nurmiriṅ: “Al Wukkeṅ wor po, gebe hakot hinhan, gayenter wor ha. Ge beṅ al merem yaṅ yird yird gobe huwak wor po. <sup>6</sup> Go yirha mar gobe gere alya bereya goya mere basaṅ margeya goyen gasa yirke darim wok yeṅ kamamiṅ. Goke teṅ ge beṅ go mar

goyen wolminen yirde dari nenan yen yunha gobe gwaha yirtek po yirha,” yirin.

<sup>7</sup> Irkeb al melak kura Al Kurun galak ird ird altare mat forok yeke nurmirin. Mereminbe gahade: “Fudinde, Al Kurun, gebe Doyan Al Kurun, tarengebe kurun wor po! Ge belen merem yan yirde ha gobe fudinde mat yirde ha, irde huwak wor po ten ha,” yirin.

<sup>8</sup> Be, Al Kurunyen miyon 7 goyen siptemin belen kuwemin nana dilin hende wogoryin. Irkeb nana gobe taren po temeyde alya bereya kumga yirtek sanin miyan hirin. <sup>9</sup> Be, alya bereya gobe nana gote uka bulun wor po gore kumga yiryin. Irkeb go mar gore mata kafuram gwahade goyen doyan yirde hi al Al Kurun goyen karan uramin. Irde mata bulunmin yubul ma ten Al Kurun nin bin mulgan ma hamin. Irde Al Kurun denem turnun yan ma iramin.

<sup>10</sup> Be, Al Kurunyen miyon 7 goyen siptesononmin belen kuwemin dapna duwi kafuram gote keperd keperd gasun hende wogoryin. Gwaha irkeb dapna duwi kafuram gore alya bereyamin doyan yirde hiyen nana kurun gobe kidoma belen aw uryin. Irkeb mel gobe kanduknen wor po nurdeb melak yisamin. <sup>11</sup> Irdeb ulin misin katen han goya usuminya goke ten Al Kurun saninmin kurun wor po goyen karan uramin. Irde mata bulunmin yubul ten yen ge bin mulgan hetek ma yiryin.

<sup>12</sup> Be, Al Kurunyen miyon 7 goyen 6min belen fe kurun Yufretis inen hanen go hende kuwemin wogoryin. Gwaha irkeb Yufretis fe kurun gobe

pet yiriŋ. Gobe naŋa waŋ waŋ beleŋ mat doyaŋ mar karkuwaŋ waŋ waŋ niŋ beleŋ kerd yune yeŋbe gogo fe goyen pet yiriŋ. <sup>13</sup> Be, gor matbe det toneŋ buluŋ karwo kura huri yara goyen yinmiriŋ. Det toneŋ kurabe deregon mohon bana mat katiŋ, irde kurabe daŋa duwi kafuram gote mohon bana mat katiŋ, irde funaŋbe Al Kurunyen mere basaŋ al falkuk gote mohon bana mat katiŋ. <sup>14</sup> Det toneŋ gobe unŋura, mata tiŋeŋ turuŋ yaŋ wor po goyen forok yirde hanŋen gote toneŋ. Toneŋ goreb Al Kurun watek nalu kurun goyenter asogo irde fulaŋa irniŋ yeŋbe megen niŋ doyaŋ mar karkuwaŋ goyen yawaŋ gabu yird yird niŋ kwamiŋ.

<sup>15</sup> Be, goya goyenbe al melak kura forok yeke nurmiriŋ. Meremiŋbe gahade: “Ga nurnaŋ! Nebe al kura kawe al goyare wayeŋ tiya yeŋ ma nurde hikeya wayyeŋ go gwahade goyen tiyeŋ. Niŋgeb al kura kawe al goyare wayyeŋ yeŋ ma nurdeya ma ferde uliŋhormiŋ kerde pet titiŋde hiyeŋ go gwaha goyen, ne waŋ waŋ niŋ doyaŋ heŋ keŋkela hinayiŋ marbe Al Kurun beleŋ guram yirde tareŋ yiryen. Gogab kawe al beleŋ waŋ bemel irke kupson al diliŋde kuŋ memya ma hiyyeŋ go gwahade goyen po, ne niŋ keŋkela doyaŋ heŋ hinayiŋ mar wor memya ma henayiŋ,” yiriŋ.

<sup>16</sup> Be, go kamereb det toneŋ buluŋ beleŋ megen niŋ doyaŋ mar karkuwaŋ gasuŋ kura Hiburu mere mat Amagedon inen hanŋende gor gabu yiramiŋ.

<sup>17</sup> Be, Al Kurunyen miyon 7 goyen funaŋmiŋ

belen naɗa kota kuwemiɗ wogoriyɗ. Irkeb Al Kurunyen ya balem bana Doyaɗ Al Kurunyen keperd keperd gasunde gor mat al melak kurun kura forok yeɗbe, “Gog po hubu hihi!” yiriɗ. <sup>18</sup> Irkeb dagamel teɗ daga kateɗ hururuɗ teɗ niniɗa kurun wor po forok yiriɗ. Al megen forok yamiɗde mat waɗ waɗ gayenter niniɗa gwahade kura ma forok yeɗ hitiɗ. Niniɗa gobe buluɗ wor po, niniɗa teɗ hitiɗ kurun gote folek wor po. <sup>19</sup> Be, niniɗa go forok yekeb taun kurun Babilon gobe gilgalaɗ irde karwo hamiɗ. Irde taun karkuwaɗ hoyan megen haɗ kurun goyen wor gwamuɗ yurtiɗ hinhan. Al Kurunbe Babilon\* taun kurunde niɗ mar gote mata buluɗ goke biɗ sir ma yiriɗ geb, mata buluɗmiɗ goke bearar teɗ gwamuɗ yuriɗ. Gobe beararmiɗ wain yuntiɗeɗ yiriɗ. <sup>20</sup> Irkeb motmot tumɗan hubu hamiɗ, irde dugu wor hubu hamiɗ. <sup>21</sup> Irde naɗkiɗde mat kigariɗ bilmiɗ hora yara hitiɗ gore al hitte kurun po katiyɗ. Kigariɗ bilmiɗ unjkureɗ horam hitiɗ gote kandukmiɗbe 50 kilogram kanduk wor po. Be, kigariɗ hora yara hitiɗ katiyɗ goke al belen Al Kurun karan uramiɗ. Mata forok yiriɗ gobe kanduk kurun wor po geb, gogo karan uramiɗ.

## 17

### *Belen niɗ bereya Dapɗa duwi kafuramya*

<sup>1</sup> Be, Al Kurunyen miyoɗ 7 kuwe 7 yanartiɗ mar goyen unjkureɗ kura belen ne hitte waɗbe gaha ninyiɗ: “Wake kure. Kuɗ belen niɗ bere kura fe karkuwaɗ budam hende keperde hi goyen daha

---

\* **16:19:** Babilonbe Rom niɗ yitiɗ.

mat Al Kurun beley gwamuŋ uryeŋ goyen gikala gire. Bere gobe taun kurun kura fe karkuwan kahalte irtin go goyen. <sup>2</sup> Megen nin doyan mar karkuwan beley bere goya duwan teŋ teŋ mata teŋ haŋ. Irde megen haŋ marbe wain nene kukuwa heŋ hanŋen yara bere gote mata bulun goyen ulin bana hilyan kun pasi hekeb yende mata po gama irde bulun wor po hitin haŋ,” ninyin.

<sup>3</sup> Be, Holi Spirit beley ketal nurkeb miyon gore sawsawa po kurun naŋa bana goŋ nukurin. Gorbe bere kura dapŋa duwi kafuram kura goyen hende kipirtinde hike kinmirin. Dapŋa gote ulinbe bukkenhel. Irde ulindebe Al Kurun sukal ird ird mere po makin hitin. Dapŋa duwi gobe tonan 7ya hirkam 10 minyan hinhin. <sup>4</sup> Bere gote amil umŋa kurabe bukkenhel, irde kurabe bukken wor po moŋ digulakya suluk irtin\* yara goyen hor irtin hinhin. Irde golya hora kusamuŋ damum hende wor poya gore po umŋa titin. Irde pal hora selweŋ yara damum hende wor po goyen manan yade ulin umŋa irtin hinhin. Bere gobe gisu gol beley irtin goyen hanin yase beley tanartin hinhin. Gisu bana goŋbe mata memyakya lelep mata mormokya goyen makin hitin hinhin. <sup>5</sup> Bere gote kimindebe denem kura min banare hitin goyen katin hinhin. Denembe gahade:

**BABILON KURUN, BELEN NIN BERE KURUN  
GATE MILIN, IRDE MEGEN NIN MARTE MATA**

---

\* **17:4:** Bukkenya digulakya suluk yirke umŋa hoyan kura forok yen hyen. Umŋa goreb doyan marte amil umŋa yirde hanŋen.



## BULUN GOTE MIN BIRIN

<sup>6</sup> Bere gore Al Kurunyen alya bereya budam gasa yirke kamaminj. Irkeb bere gore dari goyen wain nene kukuwa hitinj yara tiyyinj goyen kinmirinj. Mel gobe Yesu gama irkeb gogo gasa yirke kamaminj.

Be, nebe bere go kenenbe kukuwamnenj wor po nurmirinj. <sup>7</sup> Irkeb Al Kurunyen miyon nukurinj goreb, “Daninj kukuwamnenj nurde ha? Bere gote min banare hinhin goyen momonj girenj. Irde dapna duwi kafuram tonanj <sup>7</sup>, irde hirkam <sup>10</sup> minyanj, bere gore go hende keperde hi dapna duwi gote minj wor momonj girenj. <sup>8</sup> Be, dapna duwi kafuram wor po kenha gobe bikkenj hinhin. Gega gayenterbe go ma hi. Goyenbe kame mete dukunj wor po kimyanj minmonj bana mat wanj forok yiyyenj. Forok yekeb mayke huginjenj kamyenj. Goyenbe dapna go megen forok yekeb megen ninj mar belenj kenenbe dilinj fot yenayinj. Dapna gobe kamyinj gega, sopte forok yekeb gogo kenenbe dilinj fot yenj amanj henayinj. Amanj henayinj mar gote denjembe Al Kurun belenj megenya nanjinja forok yiryinde mat wanj wanj gayenter Al Kurunya hitek marte denjem katinj asanjde gor ma hanj.

<sup>9</sup> “Ninjenb mata forok yitinj goyen bebak tiye yenbe kenkela po dufay hawayinj. Dapna duwi kafuram gote tonanj <sup>7</sup>be higilinj <sup>7</sup> ninj yitinj. Higilinj <sup>7</sup> go hendebe belen ninj bere goyen keperde hiyen. <sup>10</sup> Higilinj <sup>7</sup> gobe doyanj mar karkuwanj <sup>7</sup> ninj mananj yitinj. Doyanj mar karkuwanj <sup>7</sup> bana goyen siptesonjenbe bikkenj forok yenbe hubu

hamin. Irde doyan al kurun unku renbe gayenter hi. Irde doyan al kurun funanbe hako wan hi. Yen wayyenbe nalu dolfonde po alya bereyamin doyan yirdeb hubu hiyyen. <sup>11</sup> Dapna duwi kafuram bikken kamtin geb, gayenterbe goyen ma hi gega, kame wayyen goreb doyan mar karkuwan 7 go kamereb al gergen kura forok yenbe doyan mar karkuwan 7 goyen basan hen doyan al kurun hiyyen. Gega al go wor doyan mar karkuwan 7 goya tunande. Irde kame bulun wor po hen hubu hiyyen.

<sup>12</sup> “Be, dapna duwi kafuram gote hirkam 10 yenha gobe doyan mar karkuwan hoyan 10 go goyen. Mel gobe alya bereyamin doyan yird yird taren goyen ma yawartin han. Gega doyan mar karkuwan yen sanin ten dapna duwi kafuram goya hen alya bereya doyan yirde hinayin gega, hen ga mon saninmin hubu hiyyen. <sup>13</sup> Doyan mar karkuwan 10 gobe dufay unku ren po kerdeb alya bereyamin doyan yird yird tarenmin goyen gabu irde dapna duwi kafuram go po unnayin. <sup>14</sup> Irde mel gore Sipsip dirnen goyen asogo irdeb fulena irnayin. Goyenpoga Sipsip dirnen gobe doyan marte Kurunmin, irde doyan mar karkuwan gote Kurunmin geb, mel goyen fole yiryen. Sipsip dirnen gote alya bereya yen belen hoy yirde basina yirkebinde mat fudinde po gama irde han mar wor yensa gabu henbe doyan mar karkuwanya dapna duwi kafuranya goya arde fole yirnayin,” ninyin.

<sup>15</sup> Be, go kamereb Al Kurunyen miyon gore sopte gaha ninyin: “Fe karkuwan hende belen

nin bere gore keperde hike yenha fe gobe al sikken umnam kurayen kurayen, al min hoyan hoyan, nana karkuwan karkuwan, irde al merem kurayen kurayen ten han mar go goyen. <sup>16</sup> Be, dapna duwi kafuram goya hirkam 10ya yenha goreb belen nin bere goyen bin ar irnayan. Irde bere go bulun bulun irde detmin goran irde ulin unna manan yuguya tikeb kupson hiyyen. Irke bere gote gasan talde neneb kak po kunga tinayan. <sup>17</sup> Go tinayan gobe gwaha po tinayan yen Al Kurun belen dufay kirtin geb, gogo tinayan. Nin geb doyan mar 10 gore taremin tumnan gabu irde dapna duwi kafuram goyen unenbe gama irnayan gogo. Mel go gwaha ten kun kunbe Al Kurunyen mere gote iginen kawan forok yetek nalu goyen forok yiyyen. <sup>18</sup> Be, belen nin bere go kenna gobe taun kurun wor po go goyen. Megen nin doyan mar karkuwan hoyan gobe yende yufukde han,” ninyin.

## 18

### *Babilon taun gobe bulun hirin*

<sup>1</sup> Be, go kamereb Al Kurunyen miyon hoyan kura Al Kurunyen gasunde mat katen hike kin-mirin. Yenbe denem yan wor po, ulinde matbe saninmin hushi yara forok yekeb megen kurun gayen wuk yen tukurin. <sup>2</sup> Be, yen belen mere kurun po tenbe, “Babilon taun kurun wor po gobe gwamun urtin! Bulun wor po hitin! Irkeb taun gobe ungunayen gasun hitin. Irde det tonen bulun wor bana gon han. Irde nu Al Kurun dilinde tiki minyan gore bana gon hagam yirde han.

<sup>3</sup> Naɗa karkuwan karkuwan tumɗan gobe nene kukuwa wor po hetek wain bere gore yuniyɗ. Wain gobe leplep matamiy go goyen. Megen niy doyan mar karkuwan wor bere goya feramiy. Irkeb samuy ya miɗyan haɗ marbe bere gore det damum hende hoyan goyen yeɗ hitte damu teɗ hike hora kuruy wor po yade hinhan,” niniyɗ.

<sup>4</sup> Be, go kamereb naɗkiɗde mat al melak hoyan kura forok yeke nurmiriɗ. Meremiɗbe gahade: “Alya bereyane, bere belen niy go tubul teɗ kunaɗ.

Gogab yeɗ mata buluy teɗ hiyen gwahade ma teɗ hinayiɗ.

Irde matamiy gote muruɗgem buluy tiyyen goyen denya ma tenayiɗ.

<sup>5</sup> Gobe bere gote mata buluybe pipkatoka irke naɗkiɗ sisan urtiɗ hinhin geb, gago dinen hime.

Al Kuruybe mata buluymiɗ goke biɗ sir ma yeɗ hiyen geb, gago dinen hime.

<sup>6</sup> Niɗgeb bere gore daha kura dirtiɗ gobe gwa-hade po wol heɗ unnaɗ.

Yeɗ belen buluy diriɗ goyen wolmiɗenbe yeɗ belen dahade duntiɗ goyen teban go hende kerde kuruy po unnaɗ.

Yeɗ belen gisumiɗde wain saɗiɗ duniyɗ goyen wolmiɗenbe wain tareɗ wor po yeɗ belen irde duniyɗ gote folek goyen gisumiɗ bana goɗ po wok irde unnaɗ.

<sup>7</sup> Bere go deɗem turuɗ yan heɗ det damum hende wor po goyen po yade aman heɗ hinhin geb,

dahade aman hej hinhin gwahade po ulin  
 misin katej kanduk kurun wor po nurde  
 hiyen.

Bindebe yingen turun irdeb,

‘Nebe doyan bere kurun, irde beretap mon.

Ne hittebe kanduknen nurtek mata kura ma  
 forok yiyyen,’ yen hi.

<sup>8</sup> Ningeb nalu kurare kurab bere gobe matamin  
 gote murungem bulun wor po tiyyen:

Garbam bulun ten, binde kanduknen nurde,  
 binde kamde hiyen.

Irde kak beley nen unyen.

Al Kurunbe Doyan Al Kurun tarenmin kurun wor  
 po gore bere goyen merem yan iryen geb,  
 gogo gwahade forok yiyyen,” yirin.

<sup>9</sup> Be, al melak kura naninde mat forok yirin  
 gore sopte gaha yeke nurmirin: “Megen nin  
 doyan mar karkuwan bere goya ferde bere gote  
 samun damum hende hoyan ten ten mata gama  
 iramin marbe bere go humga kuyen gote kakim  
 kennayin. Irde yen ge esen obam ten hinayin.

<sup>10</sup> Mel gobe bere go ulin misin kurun katej hike  
 kenej kafura wor po hej gisaw po hej esinayin.  
 Irdeb, ‘Kafuram wor po! Kafuram wor po! Awo,  
 taun kurun wor po Babilon! Bemel po ugun  
 naluge forok yihi!’ yenayin.

<sup>11</sup> “Irdeb samun ya minyan marbe, ‘Detninin  
 kurun damu ten hiyen berebe gogo hubu hihi  
 geb, al gore kura detninin damu titek mon,’ yen  
 nurdeb bere goke esen obam ten hinayin. <sup>12</sup> Al  
 kura gore wan mel gote gol, silwa, hora kusamun  
 wor po, pal hora selwen yara damum hende, irde

amil faykek igiñ wor po, amil umñam bukkenya digulakya suluk yirtiñ, irde silika amilyabe amil bukhel yitiñ goyen damu titek berebe hubu hihi geb, goke esinayiñ. He kurayen kurayen hamiñ kusamuñ wor po gore det yirtiñ, irde kurabe dapña kura elefant gote bilñam belen po det kurayen kurayen yirtiñ, irde he damum hende wor po gore po det yirtiñ, irde barasya ainyabe hora milmulñenya gore po det yirtiñ goyen damu titek bere gobe gogo hubu hihi yeñ goke esinayiñ. <sup>13</sup> Irde miyow, biñge hapek yirtek det, irde det kunga tike hamiñ igiñ forok yeñ hanyen goyen, irde he fimiñ hamiñ igiñ wor po kurayen kurayenyabe, wain, olip fimiñ, palawaya witya igiñ muñ wor po, bulmakaw, sipsip, hos, irde nima hos belen yuluñ teñ hanyen goyabe, meten mar dulñenya goyen damu titek bere gobe gogo hubu hihi yeñ goke esinayiñ. Go mar gobe alya bereya kura meten mar yirde bere go unke damu teñ hiyen.

<sup>14</sup> “Go mar goreb bere go kamke kenenbe, ‘Det igiñ yawaren yeñ nurde hayen kurun gobe gigen kamkeb hubu hihi. Samungeya detge igiñ wor poya goyen tumñan yubul taha geb, epte ma sopte yenayiñ!’ innayiñ. <sup>15</sup> Samun ya miñyan mar bere gore detmiñ damu tike horam yan heñ hanyen mar gobe bere goyen uliñ misiñ kurun po katen hike kenenbe kafura wor po heñ tubul teñ gisaw po hinayiñ. Irde bere goke esen obam tenbe, <sup>16</sup> ‘Kafuram wor po! Kafuram wor po! Awo, Taun kurun. Taun gobe bere gogo, yeñbe amil igiñ bukkenya digulakya suluk yirtiñ goya bukkenhel yitiñ goya hor yirde hiyen. Irde golya

hora kusamuɗ wor poya pal hora selwenɗ yara damum hende wor po goya goyen yade uliɗ umɗa teɗ hiyen. <sup>17</sup> Goyenbe samuɗmiɗ kuruɗ gobe bemel po hubu hihi!’ yenayiɗ.

“Niɗgeb hakwa doyaɗ yird yird marte karkuwaɗmiɗ, irde alya bereya hakwa hende kuɗ haɗ mar, hakwa hende metenɗ teɗ haɗ maryabe makaɗ alare heɗ dapɗa yade hora teɗ haɗ marya tumɗaɗ bere go tubul teɗ gisaw po hinayiɗ. <sup>18</sup> Mel gore bere go humga kuɗ hiyen gote kakim kenenɗbe kuware po, ‘Bikkenɗbe taun kuruɗ wor po gahade gayen kura ma hinhin!’ yenayiɗ. <sup>19</sup> Irdeb bere goyen kamde hinhin goke biɗ misiɗ nurdeb yiɗgenɗe tonanɗe mulowo wogordeb esenɗ obam teɗbe, ‘Kafuram wor po! Kafuram wor po! Awo, Taun kuruɗ. Taun bana goɗ al kura hakwa miɗyaɗ mar gobe taun gote samuɗya detmiɗ hakwamiɗ hende yawaɗbe hora kuruɗ yade hanyen. Goyenbe bemel po taun gobe detmiɗ goya tumɗaɗ mugol nihi!’ yenayiɗ. <sup>20</sup> Gega Al Kuruɗyen gasuɗde haɗ marbe bere go kamde hi goke amanɗ henayiɗ. Deɗ Al Kuruɗyen alya bereya aposelya porofetyabe bere gore buluɗ buluɗ dirtiɗ goyen goke merem yaɗ irtiɗ goke amanɗ henayiɗ!” yiriɗ.

<sup>21</sup> Be, go kamereb Al Kuruɗyen miyoɗ kura saɗiɗmiɗ kuruɗ wor po goreb hora kuruɗ kura goyen teɗbe makaɗ alare timiyyiɗ. Hora gote kuruɗmiɗbe wit bilmiɗ karka teɗ palawa irde hanyen hora kuruɗ wor po hos belenɗ tuluɗ teɗ hanyen go gwahade goyen. Be, Al Kuruɗyen miyoɗ gore hora go temeydeb, “Hora kuruɗ go

makan̄ ala bana kurka gwahade goyen po, ge Babilon taun kurun̄ goyen gad gemeyke makan̄ ala bana kurkun̄ sopte ma po forok yawayin̄. <sup>22</sup> Tikiñde niñ det hap inen̄ han̄yen gote tikiñ, bulelun̄yen tikiñ, bigulyen tikiñyabe al belem̄ tikiñ heñ han̄yen tumñan̄ goyen go ma sopte nurayin̄. Irde samun̄ yare meten̄ ten̄ han̄ mar manan̄ sopte ma yenayin̄. Wit bilmin̄ karka ten̄ palawa ird ird gote hora migirin̄ manan̄ sopte ma po nurayin̄. <sup>23</sup> Hulsi melak kura ge bana sopte melak ma henayin̄. Tikiñ merere niñ tikiñ sopte ma po nurayin̄. Ge Babilon taun bana goñ samun̄ ya min̄yan̄ marbe hora ten̄ ten̄ san̄in̄min̄ kurun̄ wor po. Gega ge belem̄ merebal matare mata bulun̄ forok irde alya bereya megen hike kwa kurun̄ goyen usi yirarin̄. <sup>24</sup> Taun gobe Al Kurun̄yen alya bereya, irde porofet, irde alya bereya megen hinhan̄ goyen gasa yirke kamamin̄ kurun̄ gote murun̄gem tihibe gago humga kwa,” yirin̄.

## 19

<sup>1</sup> Be, go kamereb Al Kurun̄yen gasun̄de al buda kurun̄ kura belem̄ kuware gaha yeke nurmirin̄: “Haleluya, Al Kurun̄ turun̄ irnin̄! Al Kurun̄be Dumulgan̄ ten̄ ten̄ Al, den̄embe turn̄un̄ yan̄ wor po, tareñmin̄ manan̄ kurun̄ wor po. <sup>2</sup> Yen̄ belem̄ alyen̄ mata yenen̄ igin̄ ma bulun̄ yinen̄ yinen̄ gobe huwak irde fudinde mat ten̄ hiyen. Al Kurun̄be belem̄ niñ bere gore leplep matamin̄de alya bereya megen han̄ kurun̄ gayen bulun̄ yirin̄ goke merem yan̄ ira. Irde bere gore Al Kurun̄yen meten̄ mar gasa yirke kamamin̄ gote wolmin̄en̄ ira,” yamin̄. <sup>3</sup> Be, gwaha yen̄be



sopte po, “Haleluya! Bere go humga kuñ hi gote kakimbe gwahader hurkuñ hiyeñ,” yamiñ.

<sup>4</sup> Be, gwaha yekeb Al Kurunyen alya bereyat doyañ marte parguwak 24 goya det binfut minyañ sipteya gore wulgurut yeñ Doyañ Al Kurunyen gasunde keperde hi al Al Kurun goyen dolon iramiñ. Irdeb kuware po, “Fudinde wor po! Al Kurun turun irniñ ko!” yamiñ.

<sup>5</sup> Irkeb go kamereb al melak kura Doyañ Al Kurunyen keperd keperd gasunde mat forok yeñbe gaha yiriñ: “Deñ Al Kurunyen meten mar, Al Kurunniñ turun irnañ. Deñ al deñem yanya deñem monya Al Kurun kafura irde hañ marbe turun irnañ!” yiriñ.

<sup>6</sup> Irde go kamereb al buda kurun belen kuware mere tike nurmiriñ. Meremiñbe kurun wor po, fe kurun hamulare solok yeñ kateñ migiriñ teñ hi yara, irde daga kateñ hi yara nurmiriñ. Meremiñbe gahade: “Haleluya! Al Kurun turun irniñ ko. Al Kurunbe Doyañ Al Kurun tareñmiñ kurun wor po. Yeñ po ga det kurun gayen doyañ yirde hi. <sup>7</sup> Sipsip dirneñ bere teñ teñ nalu forok yeke bere\* gobe goke gitik titiñ hi. Niñgeb goke igiñ po nurde aman heñbe deñem turun yañ irtek! <sup>8</sup> Amil igiñ wor po wukkeñ irde milmulken goyen hor ird ird niñ bere goyen untiñ. (Amil igiñ gobe Al Kurunyen alya bereyat mata huwak niñ yitiñ.)

<sup>9</sup> Be, go kamereb Al Kurunyen miyoñ belen ninyiñ. “Mere kura gahade kaya: ‘Sipsip dirneñ goyen bere teñ teñ gote dula matare wanayiñ

\* **19:7:** Bere gobe Yesuyen alya bereya sios niñ yitiñ.

marbe aman henayin, kayayin,” ninyin. Irde sopte, “Mere gabe Al Kurunyen mere fudinde wor po,” ninyin.

<sup>10</sup> Gwaha ninkeb kahan minde katen dolon iren timirin. Irkeb, “Gwaha ma nirayin! Ne wor ge yara po Al Kurunyen meten al geb. Kadge yago Yesuyen mere gama irde han mar gwahade yara po geb. Yesuyen merebe porofet beles Holi Spiritiyen saninde yitin geb, Al Kurun po ga dolon irayin!” ninyin.

### *Hos faykek hende kipirtin al*

<sup>11</sup> Be, go kamereb Al Kurunyen gasunde nin yame hol yekeb hos faykek kura hike kinmirin. Hos go hende kipirtin hinhin al gote denembe “Binde mat fudinde meten ten ten al, irde Mere Fudinde ten ten al”. Yen beles alyen mata igin ma bulun yinen fulen ten hiyen gobe mata huwak mat gwaha ten hiyen. <sup>12</sup> Al gote dilinbe kak melak yara, tonandebe doyan al kurunyen tonanhor budam han. Irde den kura ulinde katin hi gega, den goyen al hoyanbe go ma nurde han, yingen po ga nurde hi. <sup>13</sup> Yenbe amel ulyan dari bana kirtin goyen hor irtin hi. Al gote denembe “Al Kurunyen Mere.” <sup>14</sup> Al Kurunyen gasunde nin fulen mar beles al go gama irde hinhan. Mel gobe amel igin wor po faykek irde wukken goyen hor yirde hos faykek hende keperde kame gama irde hinhan. <sup>15</sup> Mehen hen hinhin al gote mohan bana matbe fulenaren nin bidila misin yan kura wan hinhin. Bidila gobe nan karkuwan karkuwan bana han mar gasa yird yird nin mohan de hinhin. Yen beles nan

karkuwan̄ karkuwan̄ goyen doyan̄ al kurun̄yen kutum ain beley po irtin̄ goyen tanarde doyan̄ yirde hikeb kafura henayin̄. Irde mel goke Al Kurun̄ san̄in̄min̄ kurun̄ wor po hi gore bearar ten̄ hiyen goyen yikala yire yen̄ wain karka ten̄ fimin̄ gilyan̄ hitin̄ yara yiryen̄. <sup>16</sup> Amil hor irtin̄ go hendeya bulhekdeyabe deñe kura gahade katin̄ hin̄hin̄:

MEGEN NIŃ DOYAŃ MAR KARKUWAŃDE  
KURUŃMIN̄, IRDE DOYAŃ MARTE KURUŃMIN̄

<sup>17</sup> Be, gor mat Al Kurun̄yen miyon̄ kura naña dilin̄ hende huwarde hike kinmirin̄. Yen̄ beley kuware po nu kurayen kurayen naña kota foy ten̄ kun̄ hin̄han kurun̄ goyen yinyin̄. “Wanan̄. Wan̄ Al Kurun̄yen dula mata kurunde gar gabu irnan̄.

<sup>18</sup> Gogab megen nin̄ doyan̄ mar karkuwan̄, fulen̄a marte karkuwan̄min̄, al tareñ min̄yan̄ mar, hosya go hende keperde kun̄ han̄ marya gote hakwam gote gason̄ talde nenayin̄. Al tum̄nan̄, al du-faymin̄de kun̄ han̄ marya meten̄ mar dulñen̄ya, irde al deñem yanya deñem mon̄yat hakwam gote gason̄ nenayin̄,” yinyin̄.

<sup>19</sup> Be, gor matbe dap̄ña duwi kafuram goya megen nin̄ doyan̄ mar karkuwan̄yabe fulen̄a marminya beley hos faykek hende kipirtin̄ hin̄hin̄ al goya fulen̄a marminya arnin̄ yen̄ gabu irde hike yin̄mirin̄. <sup>20</sup> Goyenpoga dap̄ña duwi kafuram gobe ten̄ fere tiyamin̄. Porofet falkuk dap̄ña duwi kafuram goke ten̄be mata tin̄en̄ turn̄un̄ yan̄ forok yirde hin̄hin̄ al goyen wor yen̄ya tum̄nan̄ fere titin̄ po hinaryum. Usi porofet gobe mata tin̄en̄ goyen forok yirde alya bereya dap̄ña duwi kafuram gote deñem ulin̄de ten̄ dap̄ña gote tonen̄

irtin det goyen dolon irde hinhan mar usi yirde hinhin. Niŋgeɓ dapɗa duwi kafuram goya porofet falkukya gobe dilin gergen hikeya salfa hora humga kuɗ yey fe ala yara hitin bana goɗ yemeyamin. <sup>21</sup> Fuleɗa marminɓe fulenɗare nin bidila hos faykek hende hi al gote mohon bana mat waɗ hinhin gore po gasa yirke kamamin. Irkeb nu tumɗanɗ waɗ gason talde nene bin makin hamin.

## 20

### *Dama 1,000*

<sup>1</sup> Be, gor matbe Al Kurunyen miyon kura gasunminde mat katen hike kinmirin. Yenbe Mete Dukun wor po kimyan minmon bana kurkun kurkun yame goyen hol ird ird ki minyan. Irde haniɗdebe sen kurun wor po kura tanartin manan. <sup>2</sup> Yen belen deregon goyen tirin. Deregon gobe kunere bikken hinhin go goyen. Gote denembe Unɗura, kurabe Satan inen hanen. Be, Al Kurunyen miyon gore Satan goyen dama 1,000 gwahade fere titinde hiyen yen ten fere tiyyin. <sup>3</sup> Irdeb Satan goyen Mete Dukun wor po bana temeydeb mete gote yame tan kin urdeb al kura belen epte ma hol irnayin yen Al Kurunyen denere son iryin. Gogab dama 1,000 bana goɗ Satan belen epte ma alya bereya megen han kurun goyen usi yiryen. Dama 1,000 go hubu hekeb Satan go sinare katyen. Goyenbe ulyande ma hiyen.

<sup>4</sup> Be, gor matbe alya bereyat mata go yenen igin ma bulun yinen yinen taren minyan marte

keperd keperd gasuŋ yinmiriŋ. Irde Yesu Kristu niŋ tagalde Al Kurunyen mere saŋiŋ po tanarde hike goke al beleiŋ igiŋ ma nurde biŋiŋ walke kamamiŋ marya gote toneŋ yinmiriŋ. Mel gobe dapŋa duwi kafuram goyen ma doloŋ iramiŋ. Irde dapŋa duwi kafuram gote deŋem kimiŋde wet ma haniŋde wet goyen ma katiŋ hinhan. Mel gobe kamtiŋde mat huwardeb dama 1,000 bana goŋ doyaŋ mar heŋ Yesu Kristuya megeŋ gayen doyaŋ irde hinhan. <sup>5</sup> Niŋgeb Al Kurunyen mere tanarde heŋ kamamiŋ mar go muŋ po huwarnayiŋ. Munan al kamtiŋ goyen hoyanbe dama 1,000 goyen hubu heke gab huwarnayiŋ. Mata gobe al kamtiŋ mar meheŋde huwarnayiŋ go goyen. <sup>6</sup> Al kamtiŋde mat meheŋde huwarnayiŋ mar gobe Al Kurunyen beleiŋ guram yirde saŋiŋ yirde wukkeŋ wor po yiryen. Mel gobe epte ma kak alare kunayiŋ. Kak alare kuŋ kuŋ gobe sopte kamde kamde mata go gwahade goyen. Gwaha titŋenbe Al Kurunya Yesu Kristuya doloŋ yird yird mata doyaŋ mar henayiŋ. Irde dama 1,000 bana goŋ yenya megeŋ gayen doyaŋ yirde hinayiŋ.

### *Satanbe buluŋ hiyyen*

<sup>7</sup> Be, dama 1,000 hubu hekeb Satan gobe koya bana mat teŋ siŋa irke katyen. <sup>8</sup> Irde megeŋ muruŋ kurhan kurhan kuŋ alya bereya budam wor po usi yiryen. Go mar gobe Gokya Magokya yinen hanyen. Satan beleiŋ go mar goyen fulenja teŋ teŋ niŋ gabu yiryen. Mel go gabu yirkeŋ makaŋde niŋ sawsawa yara budam wor po, epte ma kapyan hetek henayiŋ. <sup>9</sup> Be, go mar gobe bantoto kurunyen wor po goyen sam irde kuŋbe Al

Kuruɗyen alya bereya belen keperde han gasuɗ goyen buluɗ yirnin yen milgu yirnayin. Al Kuruɗyen alya bereya keperde han gasuɗ gobe taun Al Kuruɗ belen goke amanen nurd unen hiyen go goyen. Be, alya bereya Gokya Magokya yinen hanɗen mar gore taun go milgu irnayin gega, kak belen nanɗinde mat katen gwamuɗ yuryen. <sup>10</sup> Irkeb mel go usi yiryen al Ungura gobe sopte ten salfa hora kak hitin ala bana temeyke hiyen. Kak ala bana gonbe dapɗa duwi kafuram goya porofet falkukya yimiytin haryen. Niɗgeb Satanya dapɗa duwi kafuramya porofet falkukya gobe nanɗahalya wawunya huginen ulin misin kuruɗ po katen hinayin.

*Al kamtin goyen Al Kuruɗ belen merere yiryen*

<sup>11</sup> Be, gor matbe Doyan Al Kuruɗ belen keperd keperd gasuɗmin kuruɗ faykek wor po hende kipirtin hike kinmirin. Megenya nanɗinɗabe yen hitte mat busaharyum gega, gor kura kutek mon geb, hubu po haryum. <sup>12</sup> Irde kamamin mar kuruɗ goyen al denem hanya denem minmonya Doyan Al Kuruɗyen keperd keperd gasuɗ dilin mar huwarde hike yinmirin. Gorbe asan hol yirtin hinhan. Irke asan hoyan kura hol yirin. Asan gobe Al Kuruɗya huginen hitek mar gote denem katin asan. Al kamtinbe megen henya mata ten hinhan kuruɗ goyen asan buda goyen bana gon katin geb, gor mat mata dahade ten hinhan gote murungem tamin. <sup>13</sup> Makan alare kamamin marya mete titin marya goyen tumnan merere huward huward nin Al Kuruɗ hitte wayamin.

Wanbe megen henya mata ten hinhan gote murungem yawaramin. <sup>14</sup> Irkeb Al Kurun belen kamde kamde mataya al kamtin yerde hanjen gasunya goyen kak alare yimiyyin. Kak ala gobe al kamtinde mat huwarnayin mar kura sopte huginen kamde kamde gasunde kunayin go goyenbe gogo. <sup>15</sup> Ningeb al kurate denem Al Kurunya huginen hitek marte denem asande katin bana gon ma hikeb yade kak ala goyenter yimiyyin.

## 21

### *Nankin gergenya megen gergenya*

<sup>1</sup> Be, gor mat nankinya megenya bikkek gobe hubu hekeb nankinya megenya gergen goyen yinmirin. Megen gobe makan minjon. <sup>2</sup> Be, Taun Wukken Yerusalem gergen wor po gobe Al Kurunyen gasunde mat katen hike kinmirin. Taun gobe bere fonen kura un belen wan tupi ten kun ge ulin umna kusamun wor po ten hanjen go gwahade goyen po Doyan Al Kurun wan wan nin gitik titin hinhin. <sup>3</sup> Be, go kamereb Doyan Al Kurunyen keperd keperd gasunde gor mat al melak kura forok yeke nurmirin. Mereminbe gahade: “Gayenter Al Kurun hen hen gasunbe alya bereya hande gor hi! Yenbe mel goya hiyen. Irkeb mel gobe Al Kurunyen alya bereya henayin. Irkeb Al Kurun yingenbe mel goya henbe yende Al Kurun hiyyen. <sup>4</sup> Yen belen alya bereyat dilin fimin halde yunen. Mata bikkekya det bikkekyabe hubu henayin geb, kamde kamde mata hubu hiyyen, irde al kamke esen obam ten ten mata wor hubu

hiyyeñ. Go ma esinayiñ, irde uliñ misin ma katnayiñ,” yiriñ.

<sup>5</sup> Be, Doyañ Al Kurunyen keperd keperd gasuñde kipirtin hinhin al goreb, “Det kurun gayen tumñañ gergeñ wor po yirde hime!” yiriñ. Irdeb, “Mere gabe fudinde yeñ nurtek mere geb, asañde kaya,” ninyiñ.

<sup>6</sup> Irdeb gaha ninyiñ: “Metenebe pasi irhem. Nebe Alfaya Omegaya, det kurun gayen miñ urmiriñ al, irde pasi ird ird al. Nebe mehenñde wor po hinhem, irde kame wor heñ. Al kura fe niñ yirkeb Al Kurunya hugiñeñ heñ heñ goyen fe diliñde mat fe marde wañ hi yara goyen yuneñ. Fe goyen yuneñbe damu tinañ ma yineñ, duliñ yuneñ. <sup>7</sup> Al kura al bulun fole iryenbe det gergeñ hitiñ kurun goyen tumñañ yawaryeñ. Irke nebe yende Al Kurun hemekeb yeñbe diriñne hiyyeñ. <sup>8</sup> Gega kanduk forok yeñ yeñ ge kafura heñ hañ mar, Al Kurun niñ dufaymiñ tareñ ma irde hañ mar, dufay bulun heñ hañ mar, al gasa yirke kamde kamde mar, leplep mata teñ hañ mar, merebal kurayen kurayen yirde hañ mar, det toneñ yirde doloñ yirde hañ maryabe, usi marya gote heñ heñ gasuñbe salfa hora humga kuñ fe ala yara hitiñ bana goñ po hinayiñ. Gor kunayiñ gobe kamtiñde mat huwarnayiñ gega, sopte hugiñeñ kamde kamde gasuñde kunayiñ go goyenbe gogo,” yiriñ.

### *Yerusalem gergeñ*

<sup>9</sup> Be, Al Kurunyen miyoñ 7 mata kafuram 7 kuwe bana hitiñ 7 goyen kura tanarde hinhin miyoñ goreb, “Wake kure. Kuñ Sipsip diriñeñ



gote berem gikala giren,” ninyin. <sup>10</sup> Irdeb Holi Spirit beɓe ketal nurke nade dugu kurun hende hoyan wor pore gor nukun Taun Wukkek wor po goyen nikala niryin. Taun Wukkek wor po gobe Yerusalem gergen Al Kurunyen gasunde mat katen hinhin. <sup>11</sup> Taun kurun gobe Al Kurunyen sanin turnun yan wor po gore hushi melak yara agat uryin. Agat uryin gobe hora kusamun wor po beɓe teɓ hanyen yara tiyyin. Yaspaya kristal wukkenya yara agat wor po uryin. <sup>12</sup> Taun gobe koya kurun miliɓ hende hoyan wor po beɓe miɓgu irtin. Koya gobe yamemiɓ 12 miɓyan. Yamere gorbe Al Kurunyen miyon 12 hinhan. Yame 12 go hendebe Israel marte al miɓ 12 gote deɓem katin hinhan. <sup>13</sup> Yame 12 goyen karwobe naɓa waɓ waɓ beɓe hinhan. Irde karwo kurabe naɓa kurkur beɓe hinhan. Irde yame karwo kurabe gegelhek kurhan hinhan, munan karwo kurabe kurhan hinhan. <sup>14</sup> Koya kurun gobe hora karkuwan 12 go hende yirtin. Hora karkuwan 12 go hendebe Sipsip dirɓe gote mere basan mar aposel 12 gote deɓem katin hinhan.

<sup>15</sup> Be, Al Kurunyen miyon neya mere tiyaryum gore taunya koya, irde yamemiɓya gote kurunmin tunan tiye yeɓe tunan teɓ teɓe nin kutum gol beɓe irtin goyen haniɓde tanarde hinhin. <sup>16</sup> Taun kurun gobe murun sipte miɓyan. Sobaminiya pelyenmiɓyabe tunande wor po. Al Kurunyen miyon beɓe kutum go teɓ taun kurun goyen tunan teɓ kenenbe ulyanmiɓe 2,200 kilomita, irde pelyenmiɓya huwa hurkutinnya wor gwahade po. <sup>17</sup> Yeɓ beɓe taun gote

koya tolokminj tunaj tiyyinbe 65 mita. Miyon gore tunaj tiyyin gobe megen nin det gote kurunminj tunaj tenj tenje nin kutum tenje tunaj tiyyin.\* 18 Yerusalem taun gergej gote koyabe hora kusamunj kura yaspa inen hanjen gore po irtin. Irde taun gobe gol belen po irtin. Gol gobe galas yara tikin minjon, wukkenj wor po. 19 Irde koya gote minje hora kusamunj wor po kurayen kurayen gore yade umja yirtin. Koya gote minj 12 bana gon mehendebe yaspa hora belen irtin. Kamere nin minj gobe sapaia hora belen irtin. Karwominje aget hora, sipteminje emeral hora, 20 siptesononminje sadonikis, 6minje hora bukkenj konilian, 7minje hora wulsakkenj krisolait, 8minje hora digulak yara beril, 9minje hora wulsakkenj yara topas, 10minje krisopires hora, 11minje haiasin hora, funaj 12minje ametis hora belen po umja yirtin hinhan. 21 Koya gote yame 12 gobe pal hora karkuwanj wor po selwenj yara gore po yirtin. Yame goyen unjukanj unjukanje pal hora unjukanj unjukanj belen po yirtin. Taun kurun go bana gon nin belenje gol belen po yirtin. Gol gobe tikin minjon galas yara wukkenj wor po.

22 Be, taun bana gonje Al Kurunjen ya balem kura ma kinmirin. Ya balem gobe hoyan mon, Kurunnin Al Kurun tarenmin kurun wor po

---

\* **21:17:** Al Kurunjen miyon belen megen nin det gote kurunminj tunaj tenj tenje nin kutum tenj Al Kurunjen gasunde nin Yerusalem gote kurunminj tunaj tiyyin gobe Yon belen kenen bebak tenj tenj ge gwaha tiyyin. Ningeb “kilomita, mita” gobe nen al belen bebak tenj tenj ge po, Yerusalem kurunminj fudindebe epte ma nurtek.

goya Sipsip dirɲenya yiɲgeɲbe ya balem go goyen geb, gogo kura ma kinmiriɲ. <sup>23</sup> Taun bana goɲbe Al Kurunyen tareɲmiɲ turɲuɲ yaɲ wor po gore hulsɪ melak heɲ agat urde hiyen gwahade po teɲ hikeb naɲaya gagasiya niɲ ma nurde haɲ. Taun bana goɲ niɲ hulsibe Sipsip dirɲeɲ gogo. <sup>24</sup> Taun gote hulsɪ goyen temeykeb naɲa karkuwaɲ karkuwaɲ bana haɲ marbe taun gote hulsire kuɲ hinayiɲ, irde megen niɲ doyaɲ mar karkuwaɲ beɲeɲ samuɲmiɲ igiɲ wor po goyen taun bana goɲ yade wanayiɲ. <sup>25</sup> Taun bana goɲbe wawuɲ miɲmoɲ geb, taun gote koya yamebe hugiɲeɲ hoɲ hinayiɲ. <sup>26</sup> Alya bereya naɲa karkuwaɲ karkuwaɲ bana haɲ gore samuɲmiɲ igiɲ wor poya horamiɲya yad taun bana goɲ hurkunayiɲ. <sup>27</sup> Goyenbe det kura Al Kurunɲ diliɲde wukkeɲ moɲbe taun bana goɲ epte ma yad hurkunayiɲ. Irde al kura mata memyak teɲ haɲ marya usi mata teɲ haɲ maryabe epte ma taun bana goɲ hurkunayiɲ. Gwahade yarabe Al Kurunya hugiɲeɲ hinayiɲ marte deɲem katiɲ asaɲde deɲem haɲ mar go po hinayiɲ. Asaɲ gobe Sipsip dirɲeɲ gote asaɲ.

## 22

*Al Kurunya hugiɲeɲ heɲ heɲ saɲiɲ miɲyaɲ fe kurunɲ*

<sup>1</sup> Be, gor matbe Al Kurunyen miyoɲ gore Al Kurunya hugiɲeɲ heɲ heɲ saɲiɲ miɲyaɲ fe kurunɲ goyen nikala nirke kinmiriɲ. Fe gobe galas yara wukkeɲ wor po, irde Al Kurunya Sipsip dirɲeɲyat keperd keperd gasuɲde mat kateɲ hinhin. <sup>2</sup> Irdeb

taun bana goŋ beleş kurunmin kahalyaŋ gama irde kuŋ hinhin. Fe goyen siŋa kurhan kurhanbe he kura igineŋ nene Al Kurunya hugineŋ heŋ heŋ he go hinhan. He gote igineŋbe dama unkuřen bana wawuŋ 12 gwahade igineŋ heŋ hiyen. Gagasiŋ gagasiŋ turte igineŋ heŋ hiyen. Irde he gote yuwalneŋbe alya bereya naŋa karkuwan karkuwan bana haŋ mar gote garbam sope ird ird tareŋ minyaŋ. <sup>3</sup> Taun bana goŋbe det kura Al Kurun beleş karan yurtineŋbe goŋ ma hinayiŋ. Irde Al Kurunya Sipsip dirneŋyat keperd keperd gasuŋbe taun bana goŋ hiyeŋ. Irkeb meten marmineŋ beleş meten teŋ yunen hinayiŋ. <sup>4</sup> Mel gobe Sipsip dirneŋ gote kimiŋ kennayiŋ, irde deŋembe mel gote kimiŋde katiŋ hiyeŋ. <sup>5</sup> Taun bana goŋbe wawuŋ minmoŋ hiyyeŋ. Irde Al Kurunbe Doyaŋ Al Kurun geb, tareŋmin turuŋ yaŋ gore hulsi yara heŋ agat urde hiyeŋ. Irkeb hulsiya naŋaya niŋ ma nurde hinayiŋ. Mel gobe gwahader taun bana det kurun goyen doyaŋ yirde hinayiŋ. <sup>6</sup> Be, Al Kurunyen miyoŋ goreb, “Mere gabe fudinde, irde hekkeŋ nurtek hi. Doyaŋ Al Kurunbe mere basan marmineŋ gote tonenŋde Al Kurun. Yeŋ beleş heŋ ga ma mata kura forok yenayiŋ goyen meten marmineŋ yikala yire yeŋbe miyoŋmin teŋ kerke katiŋ,” niniŋ.

### *Yesube wayyen*

<sup>7</sup> Be, Yesu beleş gaha yiriŋ: “Ga nurnaŋ! Nebe heŋ ga ma wayeŋ! Al kura Al Kurun beleş kame mata dahade forok yiryen goke asaŋde gar katiŋ mere gayen gama irde haŋ marbe Al Kurun beleş guram yirde saŋiŋ yiryen!” yiriŋ.

<sup>8</sup> Be, ne Yon gabe mata kame forok yenayin kurun goyen nikala nirde momon nirtin goyen nurmirin, irde kinmirin. Gwaha tenbe Al Kurunyen miyon mata go nikala niryin al goyen dolon ire yen kahan minde wulgurut yimirin.

<sup>9</sup> Gega miyon goreb, “Gwaha ma nirayin! Ne wor ge yara po Al Kurunyen meten al geb. Nebe geya kadge yago porofetya mere asan gayen bana katin gayen gama irde han marya goyen yara po geb. Ningeb Al Kurun po dolon irayin!” ninyin.

<sup>10</sup> Irdeb gaha ninyin: “Al Kurun belen kame mata dahade forok yiryen goke asande gar katin mere gate iginenbe hen ga mon forok yenayin geb, asan gayen tan sanin ma irayin. <sup>11</sup> Irde al kura mata bulun ten han marbe yubul tike gwahade po ten hinayin. Al kura dufay bulun po gama irde han mar wor yubul tike gwahade po ten hinayin. Irde al kura mata huwak ten han marbe yubul tike gwahade po ten hinayin. Al kura mata wukkeken ten hanen mar wor yubul tike gwahade po ten hinayin,” ninyin.

<sup>12</sup> Irdeb gaha yirin: “Ga nurnan, nebe hen ga ma wayen! Waye yenbe al han kurun goyen mata daha daha ten hitin gote murungem yawanbe yunen. <sup>13</sup> Nebe Alfaya Omegaya, det kurun gayen min urmirin al, irde pasi ird ird al. Nebe mehende wor po hinhem, irde kame wor hen.

<sup>14</sup> “Be, al kura amil halde hanen yara matamin wukkeken yirde han marbe Al Kurun belen guram yirde taren yiryen. Go mar gobe nene Al Kurunya huginen hitek he iginen goyen igin netek han. Irde taun kurun gote koya yame bana

igin hurkutek haɗ. <sup>15</sup> Gega taun go siɗarebe Al Kurunyen mere tubul titin mar hinayin. Go mar gobe merebal kurayen kurayen yird yird mata teɗ haɗ mar, leplep mata teɗ haɗ mar, al gasa yirke kamde haɗ mar, det toneɗ doloɗ yirde haɗ mar, irde usi mereya mataya nin amanɗen nurde haɗ mar kurun gobe taun siɗare hinayin.

<sup>16</sup> “Ne Yesu gare deɗ alya bereyane sios goyen merene momoɗ dird dird nin teɗbe miyoɗne teɗ kermeke kurkuɗ. Nebe Dewityen minde mat watin geb, nebe Dewit Urmin. Irde nebe Bayfoɗ agatɗen kurun wor po go goyen,” yirin.

<sup>17</sup> Be, Holi Spiritiya siosya beleɗ, “Wanaɗ!” yaryum. Irkeb al kura mere go nuramin mar wor, “Wanaɗ!” yamin. Fudinde, al kura hugin hitek fe nin kamde haɗ marbe waɗ fe go nenayin. Fe gobe al kura goke nurde haɗ marbe damum moɗ dulin nenayin.

<sup>18</sup> Be, ne Yonbe Al Kurun beleɗ kame mata dahade forok yiryen goke asande katin mere gayen nurtin mar goyen gahade hayhay yirde hime: al kura mere ga hende hoyan kura sopte kiryen al gobe Al Kurun beleɗ asan gayen bana mata kafuram gwahade forok yenayin yitin goyen al go hende forok iryen. <sup>19</sup> Irde al kura asande gar katin mere kura teɗ siɗa iryen al gobe nene Al Kurunya huginen hitek he iginen goyen netek mar haɗ bana goɗ mat Al Kurun beleɗ teɗ siɗa iryen. Irde taun wukken wor po goke asande gar katin taun bana goɗ epte ma hiyen.

<sup>20</sup> Be, mata forok yenayin kurun gayen kawan po tagalde hi al gore, “Gwaha, fudinde wor po,

nebe heɗ ga ma wayeɗ,” yeɗ hi.

Gwaha, Doyaɗ Al Kurunɗ Yesu, wayayin!

<sup>21</sup> Doyaɗ Al Kurunɗ Yesu beɗeɗ Al Kurunɗen alya bereya buninɗen yirde igin igin yirde hiwon yeɗ gusunɗen irde hime. Fudinde wor po.

lxxx

**Al Kurunyen Mere Igin  
The New Testament in the Gwahatike Language of  
Papua New Guinea  
Nupela Testamen long tok ples Gwahatike long  
Nuigini**

copyright © 2000 Wycliffe Bible Translators, Inc.

Language: Gwahatike

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-10

---

PDF generated using Haiola and XeLaTeX on 11 Nov 2022 from source files dated 9 Oct 2020

dbba218f-41f3-5f08-b0b6-2a7c919093ab